

地官

周禮

十四十五

鄮長	遂人	肆長	胥師	朝人	均人
里宰	遂師	泉府	賈師	媒氏	師氏
郵長	遂夫	司門	司莪	司市	保氏
	縣正	司閹	司警	質人	司諫
	鄙師	掌節	胥	厘人	

服部文庫
 117
 181
 6



117
181
6

禮記疏卷第十四

漢鄭氏註

唐賈公彥疏

均人掌均地政均地守均地職均人民牛馬車輦之力

政 政讀為征地征謂地守地職之稅也地守衡虞

之屬地職農圃之屬力征人民則治城郭涂巷溝渠

牛馬車輦則轉委積之屬 ○政音征 **疏** 均人至力政

所均地政已下總均畿內鄉遂及公邑云均地政者

謂均地守地職二者之稅使皆十一而出稅又均人

民已下力征之事 **釋** 政讀至之屬 **釋** 曰鄭破政

為征者以經政是政教之政非征稅之征故破之也

同豐流

卷之十四

及古

鄭又知地征是地守地職之稅者以其出稅無過地
 守地職二者故知之也云地守衡虞之屬者亦謂畿
 內山川衡林衡山虞澤虞皆遣其地之民守護之及其
 入山林川澤取之者使出稅以當邦賦云地職農圃
 之屬者此即大宰九職云一曰三農二曰園圃之屬
 以九職任之因使出稅也云力征已下并車輦並是
 力征之稅若然土均云掌平地之政以均地守以均
 地事以均地貢註云所平之稅邦國都鄙也與此鄉
 遂及公邑別彼又云地貢鄭云謂諸侯之九貢與此九職之貢又不同也

凡均力政以歲
上下豐年則公旬用三日焉中年則公旬用二日焉
無年則公旬用一日焉
 豐年人食四鬴之歲也人食三鬴為中歲人食二鬴為無歲歲無贏儲也公事也旬均也讀如營營原隰之營易坤為均今書亦有

作旬者○上時掌反鬴房甫反營音均凡均至日
 又舒均反又音旬聃氏常純反焉○釋曰
 此所均力政者即上人民之力征不通牛馬車輦故
 禮記王制云用民之力歲不過三日是此亦據人而
 言也云以歲上下者上即豐年下即儉年也豐年則
 公旬用三日者公事也旬均也謂為事均用三日也
 ○**豐年**至旬者○釋曰鄭知豐年人食四鬴已下
 者案廩人云人四鬴上也人三鬴中也人二鬴下也
 而不知之彼又云不能人二鬴則令邦移民就穀此時
 則無力征矣若然此食二鬴而言無年無年者鄭云
 無贏儲仍令移民就賤此無年與彼不能人二鬴之
 歲不同彼不能人二鬴自然無贏儲也云公事也者
 此天子之法非諸侯之禮不得為公君解之故從公
 事而釋也云旬均也者王制既云用民歲不過三日
 明不得為旬十日解之故破從均恐不平故云均也
 云讀如營營原隰之營者彼詩營營是均田之意故
 讀從之云易坤為均今書亦有作旬者彼易坤為地
 地德均平是以均為義今書今易書有作旬字者句

與均俱有均平之意故引為證也 **凶札則無力政無財賦** 無力政凶札

恤其勞也無財賦恤其乏困也財賦九賦也 凶札

賦釋曰凶謂年穀不熟札謂天下疫病則無此力

征及財賦二事此即廩人云不能人二鬴之歲賦謂口率出泉知賦中惟是九賦者以下文有地守

地職故此惟有九賦也若然土均不收地守地職不

均地政不收山澤及地稅亦不平計地稅也非凶

札之歲當收稅乃均之耳三年大比則大均有年

無年大平計之若久不脩則數或闕有年

既云大均明知有年及無年皆須大平均計之也云

久不脩則數或闕者三年一闕是其久久不脩謂不

大平計則其中間不知其數不知其數則是數闕也

師氏掌以媯詔王 告王以善道也文王世子曰師也

者教之以事而諭諸德者也 音美 媯師氏至詔王

氏掌以前世美善之道以詔告於王庶王行其美道

也告王至者也釋曰引文王世子者彼是師

氏教世子禮引為詔王者但詔王以道無文彼教世

子與教王同故取以為證也諭曉也諸於也彼謂教

之以德令詔且亦曉之以德也 **以三德教國子一**

曰至德以為道本二曰敏德以為行本三曰孝德以

知逆惡教三行一曰孝行以親父母二曰友行以尊

賢良三曰順行以事師長 德行內外之稱在心為

德施之為行至德中和之德覆燾持載含容者也孔子曰中庸之為德其至矣乎敏德仁義順時者也說命曰敬孫務時敏厥脩乃來孝德尊祖愛親守其所以生者也孔子曰武王周公其達孝矣乎夫孝者善繼人之志善述人之事者也孝在三德之下三行之上德有廣於孝而行莫尊焉國子公卿大夫之子弟師氏教之而世子亦齒焉學君臣父子長幼之道○

下孟反下及註同知音智稱尺證反燾徒報反說音悅孫音遜夫音扶

○釋曰以此二德教國子王太子已下至元士之適子也云一日至德以為道本者至德謂至極之德以為行道之本

也二曰敏德以為行本者謂敏達之德以為行行之本也三曰孝德以知逆惡者善父母為孝以孝德之孝以事父母則知逆惡不行也此上三德皆在心而行不見故鄭云在心為德也云一曰孝行以親父母者行善事父母之行則能親父母冬溫夏清昏定晨省盡愛敬之事也云二曰友行以尊賢良者此行施於外人故尊事賢人良人有德行之士也云三曰順行以事師長者此亦施於外人行遜順之行事受業之師及朋友之長也

○德行至之道

○釋曰云德行內外之稱在心為德施之為行者案禮記云恥有其德而無其行則德在內行在外也又見經至德敏德道行為本道行是施之於外之名又孝德云知逆惡亦是行在外之事則知三德皆在內與外行為本又三行云親父母之等故云施之為行也云至德中和之德者案禮記中庸云致中和天地位焉故知至德是中庸之德也云覆燾持載含容者此至德即中庸所云至誠一也彼說至誠無息不息則久久則徵徵則悠遠悠遠則博厚博厚則高明博厚所以載

物高明所以覆物是至德若天地覆燾特載含容者也云孔子曰中庸之為德其至矣乎者此是論語雍也之文引之者證此至德與中庸之德為一之意云敏德仁義順時者也者人君施政春夏行賞為仁秋冬行罰為義是仁義順時敏疾為德者也又引說命曰敬遜務時敏厥脩乃來者尚書說命之篇傳說告高宗以學問之事遜順也敏疾也厥其也為君之法當恭敬順道務在順時疾而行之則其德之脩乃從學而來引之者證仁義順時之義也云孝德尊祖愛親守其所以立者也者孝德不如此上二德直能善父母為孝施德於親而已故云守其所以生者也又引孔子曰武王周公其達孝矣乎至之事是禮記中庸文言二人通達行孝者也云夫孝者善繼人之志善述人之事者案中庸上文云無憂者其惟文王乎父作之子述之則善繼人之志據周公以武王時未大平不得制禮作樂周公攝政六年大平乃制作禮樂為善繼文王之志則尚書云考朕昭子刑乃單文祖德是也善述人之事者據武王能述父以伐紂之事

則尚書序云惟十有一年武王伐殷是也云孝在三德之下三行之上德有廣於孝而行莫尊焉者欲見至德敏德五帝已上所行直明在心為德而已不見其行孝德是三王已下所行德行兼見之矣故三德以孝德為下故云德有廣於孝則至德敏德是二德廣於孝德也而行莫尊焉者三行之中孝行施於父母為上順行友行施於外人為下故云而行莫尊焉莫無也無尊於事父母也云國子公卿大夫之子弟者此經直言國子案禮紀王制云春秋教以禮樂冬夏教以詩書下文云王太子王子羣后之太子卿大夫之元士之適子皆造焉故知國子之中有卿大夫之子也鄭不言王太子及元士之適子者略言之其實皆有也王制惟言太子適子不言弟鄭知兼有弟者大司樂及此下文皆云教國子弟連弟而言故鄭兼言弟也云師氏教之而世子亦齒焉學君臣父子長幼之道者此約文王世子文也案彼云行一物而三善皆得者惟世子而已其齒於學之謂也故世子齒於學國人觀之曰將君我而與我齒讓何也曰有父

枉則禮然然而衆知父子之道矣其二曰將君我而
 與我齒讓何也曰有君枉則禮然然而衆著於君臣
 之義矣其三曰將君我而我與我齒讓何也曰長長也
 然而衆知長幼之節矣是世子與國人學生齒焉之
 事案此經有至德敏德孝德老子亦有三等之德案
 老子道經云道可道非常道河上公云謂經術政教
 之道非是然長生之道常道當以無爲養神無事安
 民含光藏曜滅跡匿端不可稱以道又案德經云上
 德不德是以有德河上公註云上德大古無名號之
 君德大無上故言上德不德言不以德教民因循自
 然其德不見故言不德是以有德者也又云下德不
 失德是以無德註云下德謂號謚之君德不及上德
 故言不失德以其德見其功稱是以謂之無德又云
 失道而後德失德而後仁失仁而後義失義而後禮
 註云道衰德化德衰而仁愛見仁衰而忿爭明義衰
 而聘行玉帛又案掘河紀堯曰皇道帝德非朕所專
 又中候義明云河五九禮關郵註云關止郵過言五
 帝後洞三王之世其治各九百歲當以禮止過也案

此語文言之此至德覆燾持載含容之德同於天地
 與老子常道及上德不德爲一物皆是燧皇已上無
 名號之君所行故河上公云上德無名號之君所行
 也此敏德則老子云可道之道非常道下德不失德
 之德亦一也故河上公云政教經術有名號之君所
 行以其三皇五帝爲政皆須仁義順時故鄭云敏德
 仁義順時也若然老子云失道而有德失德而有仁
 者是三皇行可道之道五帝行下德不失德之德卽
 堯云皇道帝德亦謂此道德於此經同爲敏德也其
 三王同行考德耳其老子又云失德而有仁失仁而
 有義失義而有禮禮專據三王之時故云洞五九禮
 關郵若然仁義禮前德後則五帝與三王俱有仁
 義故禮記云堯舜率天下以仁而民從之又云禹立
 三年百姓以仁遂焉是以仁義關在五帝三王之間
 者也若然禮記云生乎今之道反古之道
 謂不行今之法全行古之道故非之也

左司王朝

註

虎門路寢門也五日視朝於路寢門外

畫虎焉以明勇猛於守宜也司猶察也察王之視朝若有善道可行者則當前以詔王

○朝直遙反

居

至王朝○釋曰言師氏之官既知三德三行故居路門之左畫虎之處司察王朝若有善事可行者則前告王有所改爲也○**虎門**至詔王○釋曰鄭知虎門是路寢門者其路寢庭朝及庫門外之朝非常朝之處司士所掌路門外是常朝日所朝之所經云司王朝明據此朝故鄭以路寢門外解之此卽上文以美詔王**掌國中失之事以教國子弟**教之者使識

舊事也中禮者也失失禮者也故書中爲得杜子

春云當爲得記君得失若春秋是也○中鄭下仲反

杜音**得**善惡得失故掌國中禮失禮之事以教國

之子弟國之子弟卽上太子已下言弟卽王庶子以其者侯已下皆以適子入國學庶子不入故知也○**教之至是也**○釋曰云教之使識舊事也者卽中失之事是也云中禮也又引子春之義從古書中爲得謂得禮者中與得俱合於義故兩從之言若春秋者玉藻云動則左史書之言則右史書之是記君得失之事故云若春秋也此春**凡國之貴遊子弟學**

焉貴遊子弟王公之子弟遊無官司者杜子春云

遊當爲猶言雖貴猶學凡國至學焉○釋曰言凡

子弟言遊者以其未仕而在學遊暇習業○**貴游**

至猶學○釋曰云王公之子弟者此卽王制云王大

羣后卿大夫元士之子略言之也云遊無官司者官司則事繁不得爲遊故鄭以無官司解之鄭旣以遊爲無官司又引子春遊當爲猶言雖貴猶學者亦義

得兩通故引 **凡祭祀賓客會同喪紀軍旅王舉則從**

註 舉猶行也故書舉為與杜子春云當為與謂王與

會同喪紀之事○從才用反 **疏** 凡祭至則從○釋曰

社稷總是也賓客謂諸侯及卿大夫來朝聘或在朝

或在廟會同亦或在畿內或在畿外軍旅謂出畿外

征伐王舉者舉行也此數事王行之時帥氏則從以

王所在皆須詔王以美道故也○ **註** 舉猶至之事○

釋曰既訓舉為行又引子春從故書為 **聽治亦如之**

與者亦義得兩通故亦引之打下也 **聽治亦如之**

註 謂王舉於野外以聽朝○治直吏 **疏** 聽治亦如之

數事王所在皆有朝以聽治之故從 **使其屬帥四夷**

王亦如止虎門之左同故云亦如之 **使其屬帥四夷**

之隸各以其兵服守王之門外且蹕 **註** 兵服旃布弓

劍不同也門外中門之外蹕止行人不得迫王宮也

故書隸或作肆鄭司農云讀為隸○蹕 **疏** 使其至且

云使其屬者屬即序官師氏中大夫之下有屬官上

士二人并有府史胥徒之等使此入率四夷之隸若

秋官蠻隸之等各使四夷隸以其本國之兵器及其

服以守王之門外以衛王并使蹕止行人故云且蹕

也○ **註** 兵服至為隸○ 釋曰云兵服旃布及弓劍者

東方南方其服布其兵劍西方北方其服旃其兵弓

矢云門外中門之外者案闔人掌中門之外 **朝在野外**

禁則中門內也人不得入明在中門之外 **朝在野外**

則守內列 **註** 內列蕃營之在內者也其屬亦帥四夷

之隸守之如守王宮 **疏** 朝在至內列○ 釋曰云朝在

內列至王宮○ 釋曰云內列蕃營之在內者言蕃營

之在內謂若司戈盾云及舍設蕃盾者也案司隸職

禮記 卷之十四
云守野舍之厲禁上文云使其屬帥四夷之隸則二處皆帥四夷隸守之故云其屬亦帥四夷之隸守之如守王宮也

保氏掌諫王惡

註

諫者以禮義正之文王世子曰保也

者慎其身以輔翼之而歸諸道者也

釋

保氏掌諫王

諫王惡者師氏掌三德三行以美道詔王保氏以師氏之德行審喻王王有惡則諫之故云掌諫王惡

註

諫者至者也釋曰云諫者以禮義正之者君臣

亦是教世子法以禮義諫正王也引文王世子者彼其保者是保女之義故使王謹慎其身而歸於道

而養國子以道乃教之六藝一曰五禮二曰六樂三曰五射四曰五馭五曰六書六曰九數乃教之六儀

一曰祭祀之容二曰賓客之容三曰朝廷之容四曰喪紀之容五曰軍旅之容六曰車馬之容

註

養國子

以道者以師氏之德行審諭之而後教之以藝儀也

五禮吉凶賓軍嘉也六樂雲門大咸大韶大夏大濩

大武也鄭司農云五射白矢參連剡注襄尺并儀也

五馭鳴和鸞逐水曲過君表舞交衢逐禽左六書象

形會意轉註處事假借諧聲也九數方田粟米差分

少廣商功均輸方程贏不足旁要今有重差夕桀句

股也祭祀之容穆穆皇皇賓客之容嚴恪矜莊朝廷

之容濟濟蹒蹒喪紀之容涕涕翔翔軍旅之容闕闕
 仰仰車馬之容顛顛堂堂玄謂祭祀之容齊齊皇皇
 賓客之容穆穆皇皇朝廷之容濟濟翔翔喪紀之容
 纍纍顛顛軍旅之容暨暨詒詒車馬之容匪匪翼翼

○馭音御德行下孟反下文及註同刺羊甚反注之
 樹反下同襄音讓本作讓諸音非差初佳反又初宜
 反下同重直龍反夕祭音的沈祥易反此二字非鄭
 註嚴如字又音儼濟子禮反踰七良反闕呼檻反仰
 本又作印五剛反濟皇上子禮反又音齊下于况反
 又音往纍顛上律悲反下音田又如字暨其器反詒
 五格反匪而養至教之○釋曰此道自上師氏三
 乃教之六藝已下此乃保氏所專教也○**釋**養國至
 翼翼○釋曰案文王世子云大傳審父子君臣之道

以示之少傅奉世子以觀太傅之德行而審喻之師
 也者教之以事而喻諸德者也保也者慎其身以輔
 翼之而歸諸道者也不云保氏以師氏之德行審喻
 之者鄭以義約之少傅既以大傅之德審喻之明保
 氏亦以師氏之德行審喻之可知故鄭言之耳云五
 禮吉凶賓軍嘉大宗伯文六樂雲門已下大司樂文
 先鄭云五射白矢已下無正文或先鄭別有所見或
 以義而言之云白矢者矢在侯而貫侯過見其鏃白
 云參連者前放一矢後三矢連續而去也云刺注者
 謂羽頭高鏃低而去刺刺然云襄尺者臣與君射不
 與君竝立襄君一尺而退云并儀者四矢貫侯如并
 之容儀也云五馭者馭車有五種云鳴和鸞者和在
 式鸞和鸞案韓詩云升車則馬動馬動則鸞鳴鸞鳴
 則和應先鄭依此而言云逐水曲者無正文先鄭以
 意而言謂御車逐水勢之屈曲而不墜水也云過
 君表者謂若毛傳云褐纒旃以爲門表纒質以爲櫜
 間容握驅而入鞶則不得入穀梁亦云艾蘭以爲防
 置旃以爲轅門以葛覆質以爲禁流旁握御鞶者不

得入是其過君表即褐纏旃是也云舞交衢者衢道也謂御車在交道車旋應於舞節云逐禽左者謂御驅逆之車逆驅禽獸使左當人君以射之人君自左射故毛傳云故自左膘而射之達於右隅為上殺又禮記云佐車止則百姓田獵是也云六書象形之等皆依許氏說文云象形者日月之類是也象日月形體而為之云會意者武信之類是也人言為信止戈為武會合人意故云會意也云轉註者考老之類是也建類一首文意相受左右相註故名轉註云處事者上下之類是也人在一上為上人在一下為下各有其處事得其宜故名處事也云假借者令長之類是也一字兩用故名假借也六曰云諧聲者即形聲一也江河之類是也皆以水為形以工可為聲但書有六體形聲實多若江河之類是左形右聲鳩鴿之類是右形左聲草藻之類是上形下聲婆娑之類是上聲下形圃國之類是外形內聲闌闐衡衡之類是外聲內形此聲形之等有六也依鄭義素孝經緯援神契三皇無文則五帝已下始有文字故說者多以

蒼頡為皇帝史而造文字起在黃帝於後滋益而多者也云九數者方田以下皆依九章算術而言云今有重差夕桀夕桀亦是算術之名與鄭異案今九章以句股替旁要則旁要句股之類也云祭祀之容穆穆皇皇至堂堂者皆是先鄭以意所釋不依經典故後鄭不從後鄭云祭祀之容齊齊皇皇賓客之容穆穆皇皇朝廷之容濟濟翔翔已上皆禮記少儀文喪紀之容纍纍顛顛軍旅之容暨暨諮諮禮記玉藻之文車馬之容匪匪翼翼亦少儀文故鄭少儀註還引此六儀以凡祭祀賓客會同喪紀軍旅王舉則從聽證彼也

治亦如之使其屬守王闈
闈宮中之巷門
音韋
闈

凡祭至王闈○釋曰言亦如之已上與師氏同從王之事其屬守王闈者亦謂在國其師氏守中門外此保氏守王闈門

司諫掌糾萬民之德而勸之朋友正其行而強之道藝

巡問而觀察之以時書其德行道藝辨其能而可任

於國事者朋友相切磋以善道也強猶勸也學記

曰強而弗抑則易巡問行問民間也可任於國事任

吏職○強其文反註司諫至事者○釋曰以時書

習即大司徒所云以鄉三物教萬民一曰六德知仁

聖義忠和二曰六行孝友睦婣任恤此德行也彼又

云三曰六藝禮樂射御書數即此道藝也云辨其能

而可任於國事者案鄉大夫職云與賢者能者賢謂

德行能謂道藝彼則賢能俱與此直云辨其能可任

於國事不言賢者既辨其能則賢者自然亦辨而舉

之可知也○朋友至吏職釋曰案鄭註論語同

門曰朋同志曰友則彼其共在學者切磋以道義此

勸萬民為友朋則若孟子所云守望相助出入相友

者同故鄭云切磋以善道也云任吏職者案鄉大夫

所舉者謂鄉民之有德行道藝云辨其能為吏職者

亦謂以人治之若然任吏職者謂使為比長閭胥族

師之類是也以攷鄉里之治以詔廢置以行赦宥因巡

問勸強萬民而考鄉里吏民罪過以告王所當罪不

行下孟○釋曰司諫考鄉里之

反註同治者由上文巡問即察官民善不也云

而考鄉里吏民罪過者以巡問觀察萬

民則知吏之治不故鄭兼吏民總言之

司救掌萬民之衰惡過失而誅讓之以禮防禁而救之

衰惡謂侮慢長老語言無忌而未麗於罪者過失

亦由衰惡齟齬好訟若抽拔兵器誤以行傷害人麗

於罪者誅誅責也古者重刑且責怒之未即罪也○
如字劉音拘袁似嗟反註作邪同
○ 酏况付反音詠好訟呼報反○ 釋曰云掌萬民
 之裘惡過失而誅讓之者此經與下文二經為總目
 也則云裘惡謂坐嘉石之罷民不入園土者過失謂
 不坐嘉石入園土者也云而誅讓之者即下文三
 讓是也云以禮防禁而救之者此裘惡及過失皆去
 冠飾其過失者又使入園土耳云救之者皆使困苦
 而令改惡從善是救之也○ 釋曰云至罪也○ 釋曰
 者孔註尚書曰以酒為凶曰酏此據字酒旁為凶是
 因酒為凶者也若然營者榮下作酉小人飲酒一醉
 日富亦因酒為榮俱是酒之省水之字也云麗於罪
 者謂附園土罪者也云古者重刑且責怒之未即罪
 也者鄭云古者重刑者據周時為古云責解經誅怒
 之解經罰也云未即罪者各有對此園土對五刑
 之刑人則是未即罪也以其未入五刑之罪且役之

耳鄭必知過失亦由裘惡者司寇職云以嘉石平罷
 民又云園土收教罷民二者同名罷民以其為惡大
 者皆因小以致大故知過○ 凡民之有裘惡者三讓而
 失之重亦因裘惡之輕也○ 三罰而士加明刑恥諸嘉石役諸司空○ 罰謂撻
 擊之也加明刑者去其冠飾而書其裘惡之狀著之
 背也嘉石朝士所掌在外朝之門左使坐焉以恥辱
 之既而役諸司空使事官作之也坐役之數存於司
 寇○ 去起呂反落直○ 凡民至司空○ 釋曰此一經
 略反一音丁略反○ 論裘惡嘉石之罷民也云三
 讓而罰者凡欲治罰人者皆先以言語責讓之乃行
 治罰云三罰而士加明刑三罰既訖乃送司寇使朝
 士於外朝坐嘉石恥之也云役諸司空者坐訖乃送
 司空使役之也○ 罰謂至司寇○ 釋曰云加明刑

者去其冠飾者案司園云凡害人者弗使冠飾彼據
 過失入園土者使冠尊不居肉袒之體豈嘉石之罷
 民而著冠乎明其去冠飾也知書其罪狀者以其稱
 明刑既不虧體明知書其罪狀著於背為明刑也云
 嘉石朝士至外朝之門左並朝士職文故彼云左嘉
 石平罷民也云役諸司空使事官作之也者以其司
 空主事故也云坐役之數存於司寇者司寇云重罪
 旬有三日坐替役其次九日坐九月役其次七日坐
 七月役其次五日坐五月役其下罪
 三日坐三月役是其坐役之數也
讓而罰三罰而歸於園土
 園土獄城也過失近罪
 晝日任之以事而收之夜藏於獄亦加明刑以恥之
 不使坐嘉石其罪已著未忍刑之
 近附
 釋曰此經論園土之刑人云三讓而罰者亦如上三
 度責讓乃治罰之三罰訖乃歸與司寇使納之園土

也○**園土**至刑之○釋曰云過失近罪者謂對袞
 惡未近罪此園土之刑人近五刑之罪故入園土也
 云晝日任之以事者亦使司空使之云收之者以其
 罪重使人收斂之不使漫游云夜藏於獄者此與嘉
 石者異云亦加明刑者亦如嘉石以書其罪狀著於
 背以恥之云不使坐嘉石其罪已著者彼坐嘉石者
 罪輕未著須坐嘉石使眾人知之此等罪重已著不
 須坐嘉石也云未忍刑之者此五刑之罪又輕故未
 忍刑之也
凡歲時有天患民病則以節巡國中及郊野而
以王命施惠
 天患謂裁害也節旌節也施惠調恤
 之
 與人物為裁害謂水旱之災及疫癘之害也知
 節是旌節者道路用旌節此經巡國
 及郊野是道路之事故知旌節也
調人掌司萬民之難而諧和之
 難相與為仇讎諧猶

調也。言萬人至和之。釋曰：此一經與下經為總目。難相與為仇讎。釋曰：言仇讎者，案左氏桓公傳云：怨耦曰仇，則仇是怨也。讎謂報也。即下文父之讎已下，皆是怨當報也。凡過而殺傷人者，以民成之。過無本意也。成平也。鄭司農云：以民成之，謂立證佐成其罪也。一說以鄉里之民共和解之。春秋傳曰：惠伯成之之屬。凡過至成之。釋曰：此謂非故心，是過誤鄉里之民共和解之。過無至之屬。釋曰：先鄭雖為兩說，後鄭以後說為是。故下註云：上說立證佐成其罪，似非也。此過失，即司刺云：再宥曰過失，是也。引春秋者，左氏文七年傳曰：魯穆伯娶於莒，曰戴已。其婦聲已，戴已卒，又聘於莒，莒人以聲已辭，則為襄仲聘焉。又六月，且為仲迎及鄆，陵登城見之，美自為娶。

之仲請攻之。公將許之。叔仲惠伯諫曰：臣聞兵作於內，為亂於外，為寇寇猶及人，亂自及也。今臣作亂而君不禁，以啓寇讎。若之何？公止之。惠伯成之。註云：平二子，使仲舍之。公孫敖反之，復為兄弟如初。是其事也。鳥獸亦如之。過失殺傷人之畜產者。畜許也。鳥獸亦如之。釋曰：亦謂過誤殺傷人之鳥獸，若鷹隼、牛、馬之屬，亦以民平和之。案今殺傷人、牛、馬之等，償其價直耳。和之使辟。凡和難父之讎，辟諸海外。兄弟之讎，辟諸千里之外。從父兄弟之讎，不同國。君之讎，眡父師長之讎，眡兄弟主友之讎，眡從父兄弟。和之使辟於此，不得就而仇之。九夷八蠻六戎五狄，謂之四海。主，大夫君也。春秋傳曰：晉荀偃卒，而視不謂之四海。主，大夫君也。春秋傳曰：晉荀偃卒，而視不

可舍宣子盟而撫之曰事吳敢不如事主○辟音避下同從才

用反凡和至兄弟○釋曰云父之讎辟諸海

視外已下皆是殺人之賊王法所當討即

合殺之未殺之間雖以會赦猶當使離鄉辟讎也

是以父之讎辟之海外兄弟之讎辟諸千里之外從

父兄弟之讎不同國別國即得云君之讎賦父者謂

司國人殺君賦猶比比父亦辟之海外云師長之讎

賦兄弟者師長謂見受業師與兄弟同云主友之讎

賦從父兄弟者註云主大夫君也此經略言其不言

者皆以服約之伯叔父母姊妹女子在室及兄

弟子衆子一與兄弟同其祖父母曾祖父母高祖父

母其孫承後皆斬衰皆與父同其不承後者祖與伯

叔同曾祖高祖齊衰三月皆與從父兄弟同以其同

繩屨故也自外不見者據服為斷也其兄弟及從父

兄弟師長主友皆為無子復無親於已者故據已親

疎為遠近若有子及親於已則自從親為斷○和

之至事注○釋曰云和之使辟於此者此謂海外千

千

里外之等云九夷之等據職方明堂位而言案漢時

徐州刺史荀文若問玄周禮父之讎辟之海外今青

州人讎在遼東可以王法縱不討乎當問之時玄已

年老昏耄意忘九夷八蠻六戎五狄謂之四海然則

周禮在四海之外辟之如是亦是遠矣近則青州遼

東作難未達周公聖意所趣若文若之難海水為四

海故今辨之然讎近東夷之人當辟之西戎餘皆放

此引春秋者襄十八年左氏晉荀偃伐齊十九年反

荀偃癰疽生瘍於頭濟河及著雍病目出士句請見

不納請後曰鄭甥可也寅幸而視不可舍宣子盟而

撫之曰事吳敢不如事主是也趙商問諫人職稱父

之讎辟諸海外君亦然註使辟於此不得就而讎之

商以春秋之義子不復讎非子臣不討賊非臣楚勝

之徒猶言鄭人在此讎不遠矣不可以見讎而不討

於是伐之臣感君恩孝子思其親不得報和之而

已子夏曰居父母之仇如之何孔子曰寢苦枕干不

仕不與共天下遇諸市朝不反兵天下尚不反兵海

內何為和之豈宜不達二禮所趣小子曰惑少蒙解

禮記

卷之十四

禮記

說鄭答曰：讎在九夷之東，八蠻之南，六戎之西，五狄之北。雖有至孝之心，能往討不乎？子之所云，偏於此義。案楚勝平王之孫子木之子平王，為子木聘女於秦，而自納之。子木奔鄭，子木為鄭人殺之。案哀十六年云：子木其子勝在吳，子西召之，使處境。為白公請伐鄭，子西曰：楚未節也，不然吾不忘也。他日又請許之，未起師。晉人伐鄭，楚救之，與盟。勝怒曰：鄭人在此，讎不遠矣。又云：秋十月，殺子西。子期于朝，是其事也。若然，鄭云雖有至孝之心，能往討之，不乎者，欲明孝子雖會赦，恒有復讎之心，故逆之海外，使絕忠臣孝子之心，使無往之緣。其孔子云：寢苦枕干，不仕者，可通之會，赦之後，恒然其君亦然，恐來入中國，則殺之也。復讎之法，依異義古禮說，復讎可盡五世之內。五世之外，施之於已，則無義。施之於彼，則無罪。所復者，惟謂殺者之身，乃在被殺者之子。孫可盡五世得復之，鄭從之也。弗辟，則與之瑞節，而以執之。瑞節，玉節之剡圭也。和之而不肯辟者，是

不從王命也。王以剡圭使調人執之，治其罪。弗辟，之人。釋曰：此經使辟者，其人戀鄉不肯辟，是違于命之人。則在上與調人瑞節執而付秋官與之罪也。○
 瑞節至其罪。○釋曰：鄭知瑞節是剡圭者，案典瑞云：剡圭以和難，故知是剡圭也。鄭又知使調人執瑞節不使死家執之者，此王法治之，明使調人之官執之也。凡殺人有反殺者，使邦國交讎之。反復也。復殺之者，此欲除害弱敵也。邦國交讎之，明不和。諸侯得者，即誅之。鄭司農云：有反殺者，謂重殺也。○重直。凡殺至讎之。○釋曰：云有反殺者，反復也。謂既殺一人，其有子弟復殺之，恐後與已為敵，而害已。故鄭云：欲除害弱敵也。云邦國交讎之者，其殺人者，或逃向鄰國，所之之國，得則讎之。故云邦國交讎之也。凡殺人而義者，不同國，令勿之。故云邦國交讎之也。

讎讎之則死

註

義宜也。謂父母兄弟師長嘗辱焉而

殺之者，如是為得其宜，雖所殺者人之父兄，不得讎

也，使之不同國而已。

疏

義宜至而已。○釋曰：論語

此有義者也。故云義宜也。謂父母兄弟師長三者嘗

辱焉，子弟及弟子，則得殺之，是得其宜也。云雖所殺

者人之父兄，不得讎也者，直言父兄不言子弟，凡有讎

怒者成之不可成者，則書之先動者誅之。

註

鬪怒辯

訟者也，不可成不可平也，書之，記其姓名，辯本也。鄭

司農云：成之謂和之也，和之猶今二千石以令解仇

怨，後復相報，移徙之，此其類也。玄謂：上言立證，佐成

其罪似非

○復扶又反

疏

凡有至誅之。○釋曰：言鬪

擊故成之，若相毆擊，則當罪之也。故鄭云：鬪怒謂辯

訟也。○玄謂：至似非。○釋曰：云上言立證者，即經

云過而殺傷人者，以民成之。司農於彼註兩解之初

解成，謂立證佐成其罪，復一解成，為和平之義。此註

先鄭復云：成之謂和之，以和解成，則上文云立證佐成其罪，似非，取以破前也。

媒氏掌萬民之判。判半也。得耦為合，主合其半。成夫

婦也。喪服傳曰：夫妻判合。鄭司農云：主萬民之判合。

疏判半至判合。○釋曰：云得耦為合者，始雖以萬

士以上兼妾媵為異耳。引凡男女自成名以上皆書

年月日名焉。鄭司農云：成名謂子生三月父名之。

○上時凡男至名焉。釋曰：此經論媒氏之官，合掌反。
三月父名之，以後皆書年月日及名，以送與媒氏。媒氏官得之，以勘男三十，女二十，配成夫婦也。○
名至名之。○釋曰：子生三月，父名之，禮記內則文案內則三月之末，父執子右手，孩而名之。又云：夫告宰名宰，辯告諸男名，書曰：某年某月某日某生。而藏之。註引桓六年九月丁卯子同生是也。
令男三十而娶，女二十而嫁。

易曰：參天兩地而奇數焉。○奇於豈反。本

○釋曰：云二三者，天地相承覆之數也。者，比二十女

三十男，法天地相承覆之數也。云易曰：參天兩地而

奇數焉者，案易繫辭云：天一地二天三地四地五地

六，是就奇數之中，天三度生地二度生象天三覆地

二，故云天地相承覆之數也。
凡娶判妻入子者皆書之。

以別未成昏禮者。鄭司農云：入子者，謂嫁女者也。玄

謂言入子者，容媵姪娣不聘之者。○別彼州凡娶

之。○釋曰：云凡者，以其此經總說天子已下娶妻及

勝之事，故云凡以廣之。○書之至之者。○釋曰：媒

氏以男女既有未成昏之藉，書其已成昏者，以別未

昏，以待後昏也。先鄭云：入子者，謂嫁女後鄭不從者

經判妻已嫁，女後更言入子，明非嫁女也。故後鄭

云：玄謂言入子者，容媵姪娣不聘之者也。案成公九

年春二月，伯姬歸于宋，夏晉人來媵，是媵也。姪娣而

書者，謂待年於父母者也。隱二年冬，伯姬歸於紀，七

年春三月，叔姬歸于紀，何休云：叔姬者，伯姬之媵也。

至是乃歸者，待年父母國也。婦人入歲備數十五，從

嫡二十，承事君子。媵賤書者，後為嫡，終有賢行，鄭君

或與何休異，如是言娶判妻，姪娣後去者，則存焉。故

入子謂媵與姪娣後去者也。案昏禮云：雖無娣媵，先

則媵與姪娣一也。此鄭云媵姪娣不止是一者，既言

則媵與姪娣一也。此鄭云媵姪娣不止是一者，既言

媵又云姪娣故知別且媵與姪娣相對則姪娣無媵稱故莊公十九年秋公子結媵陳人之婦于鄆公羊云媵者何諸侯娶一國則二國往媵之以姪娣從是其義也媒氏掌萬民之判得有媵與姪娣者庶人或無妾亦容有者且媒氏所掌雖以萬民為主亦容有尊者娶法故鄭云容媵姪娣不聘也知不聘者見內則云聘則為妻奔則為妾故也王肅曰周官云令男三十而娶女二十嫁謂男女之限嫁娶不得過此也三十之男二十之女不待禮而行之所奔者不禁娶何三十之限前賢有言丈夫二十不敢不有室女子十五不敢不有其家家語魯哀公問於孔子男子三十而有室女二十四而嫁是謂可以生民矣聞禮男三十而許嫁有適人之道於此以往則自昏矣然則三十之男二十之女中春之月者所謂言其極法耳昭禮記本命曰中男三十而娶女二十而嫁尚書大傳曰孔子曰男五十而有室女三十而嫁

子曰男三十而娶女二十而嫁通於織紵紡績之事黼黻文章之美不若是則上無以孝於舅姑而下無以事夫養子穀梁傳曰男子二十而冠冠而列丈夫三十而娶尹更始云男三十而娶女十五許嫁笄二十而嫁曲禮三十曰壯有室盧氏云三十盛壯可以取女內則三十而有室始理男事女子十五笄二十而嫁有故二十三而嫁經有夫婦之長殤舊說三十而娶而有夫婦長殤者何關盛衰一說關畏歎溺而殤之盧氏以為衰世之禮也張融從鄭及諸家說又春秋外傳越王勾踐蕃育人民以速報吳故男二十而娶女子十七而嫁如是足明正禮

中春之月令會

男女

釋曰王肅論云吾幼為鄭學之時為謬言尋其義乃知古人可以於冬自馬氏以來乃因周官而有二月詩東門之楊其葉牂牁毛傳曰男女失時不逮秋冬三星參也十月而見東方時可以嫁娶又云時尙暇

務須合昏，因萬物閉藏於冬，而用生育之時，娶妻入室，長養之母，亦不失也。孫卿曰：霜降逆女，水泮殺止。詩曰：將子無怒，秋以為期。韓詩傳亦曰：古者霜降逆女，水泮殺止。士如婦，妻迨水泮，為此驗也。而玄云：歸使之來，歸於已，謂請期時來歸之言，非請期之名也。或曰：親迎用昏，而曰旭日始旦，何用哉？詩以鳴雁之時納采，以感時而親迎，而周官中春令會男女之無夫家者，於是時奔者不禁，則昏姻之期，非此日也。孔子家語曰：霜降而婦功成，嫁娶者行焉。水泮而農業起，昏禮殺於此。又曰：冬合男女，秋班時位也。詩曰：有女懷春，吉士誘之。春日遲遲，女心傷悲，綢繆束芻，三星在隅，我行其野，蔽芾其樛，倉庚于飛，熠燿其羽。詩殷頌曰：天命玄鳥，降而生商，月令仲春，玄鳥至之日，以太牢祠于高禘，天子親往，玄鳥生乳之月，以為嫁娶之候，天子重之而祀焉。凡此皆與仲春嫁娶為候者也。夏小正曰：二月冠子嫁女，娶妻之時，秋以為期。此淫奔之詩。夏小正曰：二月冠子嫁女，娶妻之時，春易泰卦六五，帝乙歸妹，以祉元吉。鄭說之五爻辰。

期

在卯春為陽中，萬物以生，生育者嫁娶之貴。仲春之月，嫁娶男女之禮，福祿大吉。易之咸卦，柔上剛下，二氣感應，以相與，皆說男下女，召南草蟲之詩，夫人待禮，隨從有塗，見采蘋者，以詩自興。又云：士如婦，妻迨水泮，泮舊詩云：士如婦，妻迨水泮，泮舊詩云：士如婦，妻迨水泮，泮舊詩云：士如婦，妻迨水泮。篇時令云：春以令男女，融謹案春秋魯送夫人嫁女，四時通用無譏文，然則孔子制素王之法，以遺後世，男女以及時盛年為得，不限以日月，家語限以冬，不附於春秋之正經，如是則非孔子之言。嫁娶也以仲春著在詩易，夏小正之文，且仲春為有識之言。秋冬春三時嫁娶，何自違也。家語冬合男女，窮天數之語。詩易禮傳所載，咸泰歸妹之卦，國風行露，綢繆有女，懷春倉庚，于飛熠燿，其羽春日遲遲，樂與公子同歸。之歌小雅，我行其野，蔽芾其樛，之歡此春娶之證也。禮諸侯越國娶女，仲春及水未散，請期乃足容往反也。秋如期往，淫奔之女，不能待年，故設秋迎之期，標有梅之詩，殷紂暴亂，娶失其盛時之年，習亂思治，故

戒文王能使男女得其時陳晉棄周禮為國亂悲傷故刺昏姻不及仲春玄說云嫁娶以仲春既有羣證故孔晁曰有女懷春毛云春不暇待秋春日遲遲女心傷悲謂蠶事始起感事而出蔽蒂其樗喻愚惡夫燭耀其羽喻嫁娶之盛飾三星在隅孟冬之月參見東方舉正昏以刺時此雖用毛義未若鄭云用仲春為正禮為密也是以詩云飽有苦葉濟有深涉箋云飽葉苦而渡處深謂八月時時陰陽交會始可以為昏禮納采問名又云士如婦妻迨冰未泮箋云婦妻使之來歸於已謂請期冰未散正月中以前二月可以為昏然則以二月為得其於是時也奔者不禁實惟為有故者得不用仲春

重天時權許之也
重天至之也○釋曰云於是時謂是仲春時此月既足娶女之月若有父母不娶不嫁之者自相奔就亦不禁之但人而無禮胡不遁死以當禮乃可得為配言奔者不禁者鄭云權許之其實非正禮也

若無故而不用令者罰之
無

故謂無喪禍之變也有喪禍者娶得用非中春之月

雜記曰已雖小功既卒哭可以冠子娶妻○冠古

無故至娶妻
釋曰言令者即上中春之月令會男女男女有喪禍之故得不用中春令無故不用令則罪罰之也註引雜記者證喪禍之故於月數滿雖非中春可以嫁娶也云已雖小功者彼上文有父小功之末可以冠娶

司男女之無夫家者而會之
司猶察也無夫家謂男女之鰥寡者釋曰上文已云令會男女謂無夫家者也今又言司察男女無夫家是嘗已有匹配故鄭云無夫家謂男女之鰥寡者也

凡嫁子娶妻入幣純帛無過五兩
純實緇字也古緇以才為聲納幣用緇婦人陰也凡於娶禮必用其

交疑及

類五兩十端也必言兩者欲得其配合之名十者象
 五行十日相成也士大夫乃以玄纁束帛天子加以
 穀圭諸侯加以大璋雜記曰納幣一束束五兩兩五
 尋然則每端二丈○純側其反
 舍尊卑但云緇帛文主庶人耳釋曰凡嫁子娶妻
 以才為聲者緇以絲為形才為聲故誤為純字但古
 之緇有二種其緇布之緇系旁皆後不誤故禮有緇
 布冠緇布衣存古字若以絲帛之緇則系旁才此字
 諸處不同絲理明者即破為色此純帛交祭義蠶事
 以為純服故論語云麻冕禮也今也純儉如此之類
 皆絲理自明即為色解之昏禮云女次純衣鄭云純
 衣絲衣以昏禮直云純衣絲理不明故為絲衣解之
 也云五兩十端者古者二端相向卷之共為一兩五
 兩故十端也云十者象五行十日相成者左傳云天

有六氣降生五行行各有二口東方木為甲乙南方
 火為丙丁中央土為戊己西方金為庚辛北方水為
 壬癸是十日言相成者水八為金九妻元七為水六
 妻十為木八妻金九為火七妻水六為土五妻所
 尅者為妻是夫妻相成之數云士大夫乃以玄纁束
 帛者案士昏禮玄纁束帛大夫昏禮而有改娶者依
 士禮用玄纁故云士大夫用玄纁云天子加以穀圭
 諸侯加以大璋者玉人云謂加於玄纁束帛之上以
 行禮引雜記者證五兩兩五尋四尺之意云納幣
 一束束五兩兩五尋者尋八尺則一兩四尺五兩
 四五二十總二百尺故鄭玄云然則每端二丈若餘
 行禮則用制幣丈八尺取儉易共此昏禮每端二丈
 取誠實之義故以**禁遷葬者與嫁殤者**
 二丈整數為之也遷葬謂生
 時非夫婦死既葬遷之使相從也殤十九以下未嫁
 而死者生不以禮相接死而合之是亦亂人倫者也

鄭司農云嫁殤者謂嫁死人也今時娶會是也

禁

至殤者。釋曰遷葬謂成人鰥寡生時非夫婦死乃

嫁之嫁殤者生年十九已下而死死乃嫁之不言殤

娶者舉女殤男可知也凡男女之陰訟聽之于勝國之社其附

于刑者歸之于士。陰訟爭中葦之事以觸法者勝

國亡國也亡國之社奄其上而棧其下使無所通就

之以聽陰訟之情明不當宣露其罪不在赦宥者直

歸士而刑之不復以聽士司寇之屬詩云牆有茨不

可掃也中葦之言不可道也所可道也言之醜也。葦

古侯反棧士板反劉才產。陰訟至醜也。釋曰

反或士諫反茨音疾私反。云陰訟爭中葦之事者

謂若詩之中葦以觸法也云勝國亡國也者此社有

四名若此往勝得彼國將社來謂之勝國即此文是

也若據彼國喪亡則謂之亡國之社引公羊傳者是

也又名喪國之社郊特牲云喪國之社必屋之是也

據其地則曰亳社則左傳云亳社是也故云勝國

亡國也故鄭引公羊傳云勝國亡國也云亡國之社

者公羊傳文云奄其上者即郊特牲屋之不受天陽

者是也云棧其下者謂於下著柴以棧之使不通陰

故也故云使無所通也云就之以聽陰訟之情明不

當宣露者以其勝國社上下不通是不宣露中葦之

言亦不宣露故就而聽之也若然案詩召伯聽男女

之訟於甘棠之下不在勝國社者彼謂周公未制禮

前此據制禮之後故不同云其罪不在赦宥者直歸

宥者媒氏聽之云士司寇之屬者案司寇有士師之

等屬司寇故云之屬是以鄭註詩亦云士師所當審

司市掌市之治教政刑量度禁令

疏 量豆區斗斛之屬

度丈尺也。治直吏反。下及大治。小治同。區鳥侯反。

疏 司市至禁令。釋曰。此經與下文為

總目。云掌市之治者。下文云聽大治。小治是也。教即

此下文。以次敘分地之等。謂教之處置貨物是也。政

者即下文云。以政令禁物靡等是也。刑者即下文云。

以刑罰禁穢是也。量度即下文云。以量度成賈是也。

禁令者即下文云。以賈民禁偽是也。○量豆至尺

也。○釋曰。豆區斗斛之屬者。豆區即昭三年晏子云

齊舊四量。豆區釜鍾是也。云斗斛即律歷志云。籥合

升斗斛是也。此不言釜鍾與籥升者。之屬中兼之也。

若今市亭然敘肆行列也。經界也。○行戶剛反。○疏

次謂吏所治舍。思次介次也。○疏 次謂

至經市。○釋曰。司市之官。以次敘二事。分地而置之

而以經界其市。使各有處所。不相雜亂也。○疏 次謂

至界也。○釋曰。云次謂吏所治舍者。吏即下文司市

賈師蒞思次介次者是也。云若今市亭然者。舉漢法

而言。云敘肆行列也者。以其言敘即行肆之列。故為

行列解之。案內宰職云。設其次。置其敘。正其肆。註云

次。思次序介次。不為行列。與此註違者。彼云次與敘

下更云。正其肆。則肆為行列。故分次為思次。以敘為

介次也。此文不具。直有次敘。無言正其肆。故并思

次同名為次。敘為行列。此鄭望文為義。故註不同。以

陳肆辨物而平市。○疏 陳猶列也。辨物。物異肆也。肆異

則市平。○疏 肆而辨其物。物異則市賈平。故云平市也。

以政令禁物靡而均市。○疏 物靡者。易售而無用。禁之

則市均。鄭司農云。靡謂侈靡也。○易以豉反。下之

釋曰。司市出政令。而禁其物貨細靡者。但物貨細靡

人買之者多。貴而無用。令使籠物買之者少。而賤使

司市掌市之治教政刑量度禁令

同豐疏

卷之十四

二十五

及古周

同豐疏

同上疑脫介次

市賈不平，令禁之，則市物均平，故云均市也。以商賈阜貨而行布。通物。

曰商居賣物曰賈，阜猶盛也。鄭司農云：布謂泉也。賈。

音古，註曰賈，下商賈賈師皆同。以商至行布。釋曰：鄭知通物曰。

至之日，商旅則行，故鄭註太宰云：行曰商，行商則是。

通物者也。鄭知居賣物曰賈者，商既通物，明賈則在。

市而居賣物者也。故鄭註太宰云：處曰賈也。由此二。

等商賈或通貨，或在市賣之，故貨賄阜盛而布泉得。

行，故云阜貨。以量度成賈而徵債。徵召也。債買也。

物有定價，則買者來也。成賈音嫁，註下不音者，皆。

物賈其賈平大賈小賈賈賤，恒賈而故賈比十二。

音嫁，餘音古。債，劉音育，聶氏音笛，字林他竺反。

以量至徵債。釋曰：量以量穀梁之等，度以度布絹。

之等成定也。二物以量度以定物價，徵召也。債買之。

物價定，則召買者來，故云徵債也。徵召也。債買。

也。物有定價，則買者來也。釋曰：知債為買者，以言。

徵召買者，故以債為買。此字所訓不定，案下文所云。

貴債者，鄭註貴賣之，鄭亦望文為義，故註不同也。

以質劑結信而止訟。質劑謂兩書一札而別之也。

若今下手書言保物要還矣。鄭司農云：質劑，月平。

子隨反，平皮命。以質至止訟。釋曰：質劑謂券書。

反，下月平同。恐民失信，有所違負，故為券書，結。

之使有信也。民之獄訟，本由無信，既結信，則無訟，故。

云止訟也。質劑至月平。釋曰：下賈人云：大市。

以質，小市以劑，故知質劑是券書，是以鄭云：兩書一。

札而別之。古者未有紙，故以札書。小宰職註云：兩書。

一札同而別之。此不云同，明亦有同義也。鄭云：若今。

下手書者，漢時下手書，仰今畫指券與古質劑同也。

也。以賈民禁偽而除詐。賈民胥師賈師之屬必以

賈民為之者知物之情偽與實詐。賈音古。註賈民同

以賈至除詐。釋曰。司市之官用賈民知物真偽

者使禁物之偽而除去人之詐虛也。賈民至

實詐。釋曰。知賈民是胥師賈師之屬者案下胥師

職云察其詐偽飾行債慝者而誅罰之。故知此賈民

禁偽是胥師賈師之屬謂屬胥師賈師受其役使也

云知物之情偽與實詐者直依經解之情則真也情

偽既據物而言則言以刑罰禁黷而去盜。刑罰憲

實詐據人而說也。以刑罰禁黷而去盜。刑罰憲

狗扑。疏薄報反。去起呂。以刑至去盜。釋曰。刑

以刑罰禁黷。亂之人又去其相盜竊也。刑罰憲

狗扑。釋曰。知刑罰是憲狗扑者。司市所施。惟施於

市中者。故下云。小刑憲罰。中刑狗扑。大刑扑。以泉府

罰其附於刑者。歸於士。故知惟有此三者也。

同貨而斂賒。同共也。同者謂民貨不售則為斂而

買之。民無貨則賒貫而予之。賒傷蛇反。共如字。為

世貸也。劉傷夜。以泉至斂賒。釋曰。下文有泉府

反。一時夜反。職掌於市之罰布之等藏之。今司

市之官以泉府所藏之布物與民同行其貨而民無

財者賒而予之。後斂取其直。故云同貨而斂賒也。

同共至于予之。釋曰。云同者謂民貨不售則為斂

而買之者。民賣物不售。則以泉府之物買取之。釋經

同貨也。民無貨則賒貫而予之者。此謂所買得之物

民有急須而無貨者。則貫予之。有時斂取其直。釋經

斂賒也。但賒貫。大市日廼而市。百族為主。朝市朝時

而市。商賈為主。夕市夕時而市。販夫販婦為主。日

容來去商賈家於市城販夫販婦朝資夕賣因其便而分為三時之市所以了物極衆鄭司農云百族百姓也。○廼音側本又作晏。○大市至爲主。○釋曰案步就百步而分爲三時之市恐不可若然則一夫者據市亭置次與敘司市及賈師胥帥聽事之處取其列行肆之處則居地多矣今經有三時之市不先言朝市夕市而先言日廼者據向市人多而稱大市故先言之此三市皆於一院內爲之大市於中朝市於東偏夕市於西偏郊特牲所云是也。○日廼至姓也。○釋曰云日廼中者也者廼者傾側之義跌者差跌之言故以跌解廼也是以尚書無逸云文王至於日中廼不遑暇食是中後稱廼也云市雜聚之處言主者謂多者也者謂言百族爲主則兼有商賈販夫販婦云商賈爲主則兼有百族販夫販婦云販夫販婦爲主則兼有百族與商賈也云百族必容來去者

內

百族或在城由或在城外者容其來往故於日廼以後主之云商賈家於市城者行曰商居曰賈即賈家於市今并言者其商雖行通物亦容於市也云朝資夕賣者資若冬資綿夏資絺之類則資者朝買資之至夕乃賣故以資言之云所以了物極衆者以分爲三市者欲了其所賣之物極盡其衆也先鄭云百族百姓也者欲見此百姓異於秋官司寇戒於百姓彼百族是府史以下此據市人稱百族明據天下百姓亦非百官百姓對則正姓與氏族異通凡市入則胥而言之氏族則庶姓故以百姓爲百族

執鞭度守門市之羣吏平肆展成奠賈上旌于息次以令市市師涖焉而聽大治大訟胥師賈師涖于介次而聽小治小訟

凡市入謂三時之市市者入也胥守門察僞詐也必執鞭度以威正人衆也度謂及

也。因刻丈尺耳。羣吏胥師以下也。平肆，平賣物者之行列，使之正也。展之言整也。成平也。會，平成市物者也。奠，讀為定。整，勅會者，使定物賈，防誑豫也。上旌者，以為衆望也。見旌則知當市也。息次，若今市亭也。市師，司市也。介次，市亭之屬，別小者也。故書泄，作立。杜子春云：奠當為定。鄭司農云：思，辭也。次，市中候樓也。立當為泄，泄，視也。玄謂：思當為司，字聲之誤也。○奠，又田見反，上時掌反。註：凡市至誤也。○釋曰：鄭同，爰音殊，誰九况反。知凡市入是上三時之市者，以其言凡，明總三時之市。云胥守門，察偽詐也。者，以其執度之故也。云必執鞭度，以威正人衆也。者，鞭

以威人衆，度以正人衆，故并言之也。云度謂爰也者，案下文廬人云：敷兵同強。註云：收句言敷，容爰無刃。此文鞭度連言，則一物以為二庠。若以繫鞬於上，則為鞭，以長丈二，因刻丈尺，則為度。知羣吏胥師以下者，見下司稽職云：執鞭度而巡其前。此亦執鞭度，故知是胥師以下。敘官云：胥師二十肆，則一人。胥二肆，則一人。鄭云：胥師領羣胥，則胥師已下，非直巡行肆，亦更來守門。故鄭總云：胥師已下，知平肆是平賣物者之行列，使之正者，以是經直云：平肆肆，是行列，恐其行肆不正，以正之也。云展之言整也。成平也。會，平成市物者也。云奠，讀為定者，鄭以為平成市，整敕會者，使定物價，恐有豫為誑欺。故云防誑豫。先鄭云：思，辭也。後鄭以為思，則司字聲之誤也。者，下云介次，不為辭，明思不得為辭，直是思，可聲同，故誤為思也。此思，司聲同，不得為字誤。今有本云：字聲之誤，兼有凡字者，讀得云：思當為司，字，字絕讀之，乃合義也。凡

萬民之期于市者，辟布者，量度者，刑戮者，各於其地。

之敘

註

期謂欲賣買期決于市也量度者若今處斗

斛及丈尺也故書辟為辭鄭司農云辭布辭訟泉物

者也玄謂辟布市之羣吏考實諸泉入及有遺忘

者也凡萬至之敘○釋曰云凡萬民之期于市有此已下

三事有辟布者量度者刑戮者各於其地之敘則諸

物行肆之所也○**註**期謂至遺忘○釋曰云期決於

市也者謂人各自為期限使了市事於市也云若今

處斗斛及丈尺者謂斗斛處置於米粟之肆處置丈

尺於絹布之肆案前註量豆區斗斛此中不云豆區

前註廣解量名此略云市所用故註不同案律歷志

度量衡皆起於黃鐘之律故彼云以子穀秬黍中者

一黍一分九十黍黃鐘之長則一黍為一分十黍為

十寸為尺十尺為丈十丈為引五度審矣又云子

穀秬黍中者十二百黍其實一籥合籥為合十合為

升十升為斗十斗為斛五量審矣先鄭從故書辟布

為辭訟之布後鄭不從而為羣吏考實諸泉入者若

辭訟之布當歸其本主何得各有地之敘乎明不得

為辭訟之布也云考實諸泉入者辟法也謂民將物

來於肆賣者肆長各考量物數得實稅入於市之泉

府知民將物來於市有稅者案下文云國凶荒市無

征明不凶荒有征矣其實者則宜置於地之敘欺者

沒入官是其法也云及有遺忘者謂羣吏考實泉之

處有遺忘者便歸令本主識認之下文得貨賄六畜

之等是依列肆失者與此文別也

凡得貨賄六畜者亦如之三日而

舉之得遺物者亦使置其地貨於貨之肆馬於馬

之肆則主求之易也三日而無識認者舉之沒入官

註凡得至舉之○釋曰此謂在列肆遺忘

凡治市之

貨賄六畜珍異亡者使有利者使阜害者使亡靡者

使微

註

利利於民謂物實厚者害害於民謂物行苦

者使有使阜起其賈以徵之也使亡使微抑其賈以

卻之也侈靡細好使富民好奢微之而已鄭司農云

亡者使有無此物則開利其道使之有○物行遐孟

釋曰

開

胡剛反若音古○起略反好呼報反○者謂增起其賈引物自然來故使有使阜盛也云微

之而已謂少抑其賈使微少不絕而已先鄭云亡者

使有無此物則開利其道使之有與後鄭起其凡通

賈義異引之者義得通故後鄭亦從之也

貨賄以璽節出入之

註

璽節印章如今斗檢封矣使人

人執之以通商以出貨賄者王之司市也以內貨賄

者邦國之司市也

註

凡通至入之○釋曰金玉曰貨

直云通貨賄者以物之貴及民之所用多者莫過貨

賄故舉以言之無妨餘物亦通之○璽節至市也

○釋曰云璽節印章如今斗檢封矣者案漢法斗檢

封其形方上有封檢其內有書則周時印章上書其

物識事而已云使人執之以通商者以其商旅主通

貨賄故知其執璽節者是通商也云出貨賄者王之司

市也者以其商旅買貨賄於市以出向邦國故知是

王之司市給璽節也云內貨賄者邦國之司市也者

以其貨賄從邦國來當入王畿故知還是邦國之司

市給璽節也此經直云入之鄭雖云內貨賄者邦國

之司市亦容有從畿內入市者故下掌節云貨賄用

璽節鄭云變司市言貨賄者貨賄非必由市或資於

民家若然商資於民家得出向邦國若資於民家

亦容入來向王市賣之則璽節受之於門關矣

凶荒札喪則市無征而作布

註

有災害物貴市不稅

為民乏困也。金銅無凶年，因物貴大鑄泉以饒民。
國凶至作布。釋曰：凶荒謂年穀不熟，札謂疫病，喪謂死喪恤其乏困，故市無征也。金銅無凶年。釋曰：以其凶年穀則貴，金銅凶年亦賤，故云無凶年。是以諺云：豐年粟儉年玉。因云物貴者其物止謂米穀餘物也。
凡市偽飾之禁。在民者十有二，在商者十有二，在賈者十有二，在工者十有二。
鄭司農云：所以俱十有二者，工不得作，賈不得粥，商不得資，民不得畜。玄謂：王制曰：用器不中度，不粥於市，兵車不中度，不粥於市，布帛精麗不中數，幅廣狹不中量，不粥於市，姦色亂正色，不粥於市，五穀不時，果實未熟，不粥

於市，木不中伐，不粥於市，禽獸魚鱉不中殺，不粥於市，亦其類也。於四十八則未聞數十二焉。
○賈音古，註同，粥音育，下同。中，丁仲反。下，同狹音洽。數色，主反。凡市至有二。釋曰：云凡偽目，故云凡以廣之。鄭司農至二焉。釋曰：先鄭云：所以俱十有二者，工不得作，以下云云，謂民與商賈及工四者皆同十二。云工不得作者，工匠主營作，故云不得作。云賈不得粥者，以其處曰賈，賈主賣粥，故云不得粥。云商不得資者，商主通貨賄，貨賄皆當豫資貯，故云不得資。云民不得畜者，萬民非作非粥，非資故以畜聚而言也。玄謂：王制曰：用器不中度，不粥於市者，案彼鄭註云：用器弓矢耒耜，耒耜長六尺，弓長六尺六寸，之等，矢長三尺，之類，皆有長短度數也。云兵車不中度，不粥於市者，案考工記：輪人為兵車，乘車之輪崇六尺六寸，或出草車一乘，出於民間，故民亦有粥兵車之法。云布帛精麗不中數，廣狹不中

成

量不粥於市布之精籠謂若朝服十五升斬衰三升
 齊衰有三等或四升或五升或六升大功已下有七
 升八升九升小功有十升十一升十二升總麻有十
 五升抽去半其帛之升數禮無明文云廣狹不中量
 者布幅則廣二尺二寸其繪幅則依朝貢禮廣二尺
 四寸云姦色亂正色不粥於市者論語孔子惡紫之
 奪朱則朱是南方正色紫是北方姦色紫奪朱色是
 姦色亂正色故孔子惡之若然自餘四方皆有姦色
 正色若紅綠及碧等皆有亂正色之義也云五穀不
 時果實未熟不粥於市鄭彼註云皆謂不利人云木
 不中伐不粥於市者鄭彼註引山虞職云仲冬斬陽
 木仲夏斬陰木以為證是非此時則木不中伐云禽
 獸魚鼈不中殺不粥於市者索鼈人職云秋獻鼈蜃
 冬獻龜魚索禮記王制云獺祭魚鼈然後虞人入澤梁
 豺祭獸然後殺是殺禽獸魚鼈之時得粥於市非此
 時則不可也云亦其類也者王制所云不中度之類
 是在工者不中數不中量姦色亂正色是在商者不
 時及未熟是在農者此等亦兼有在賈者故云亦其

戶禮疏 卷之四 沈古閣

類也云於四十八則未聞數十二者王制之文從用
 器為一兵車為二布三帛四姦色五五穀六果實七
 木八禽九獸十魚十一鼈十二是聞之十二矣
 於四十八則未聞三十六故云未聞數十二也

小刑憲罰中刑徇罰大刑扑罰其附于刑者歸于士

註 徇舉以下其地之眾也扑撻也鄭司農云憲罰播

其肆也故書附為拊杜子春云當為附

疏 市刑至于士釋曰附于刑者歸于士者此刑各

有所對言之市刑雖輕亦各為刑若對五刑則五

種者為刑故云附於刑歸於士士謂秋官士師鄉士

遂士之屬其人屬彼者各歸之使刑官斷之也

徇舉至為附釋曰徇舉以示其地之眾也者徇者

徇列之名故知舉其人以示其地肆之眾使眾為戒

也云扑撻也者大射云司射撻扑尚書云扑作絞刑

皆是答撻為扑故云扑撻也先鄭云憲罰播其肆也

司禮疏 卷之十四 三十三 及古閣

者憲是表顯之名。徇既將身以示之，則此憲是以文書表示於肆，若布憲之類也。國君過市

則刑人。赦夫人過市，罰一幕。世子過市，罰一布。命夫

過市，罰一蓋。命婦過市，罰一帷。謂諸侯及夫人世

子過其國之市，大夫內子過其都之市也。市者人之

所交利而行刑之處。君子無故不遊觀焉。若遊觀則

施惠以爲說也。國君則赦其刑人，夫人世子命夫命

婦則使之出罰，異尊卑也。所謂謂憲徇扑也，必罰幕

布蓋帷，市者衆也。此四物者在衆之用也。此王國之

市而說國君以下過市者，諸侯之於其國與王同以

其足以互明之。○幕劉音莫，帑音亦，觀古亂反，下同。

或音官，爲說如字，解說也，聿如鏡反。

註謂諸至刑之。○釋曰：云大夫內子者，大夫中含

婦註云：內子，卿之妻，含大夫之妻，命婦也。故經云：命

婦，天子卿大夫，則然。此經大夫命婦，是諸侯科中不

見天子卿大夫，與諸侯大夫及命

婦，亦是互見爲義也。云所謂謂憲徇扑也者，其憲徇

刑之輕者而赦之，使出帷幕難備之物者，出物雖重

而無恥，憲徇雖輕而有愧，故以出物爲輕也。案幕人

云：掌供帷幕幄布，綬帷幕用布，幄布用繒，扞上曰幕

在旁曰帷，帑承塵，其蓋當是於衆中障暑雨之蓋。未

必是輪人所作，蓋弓二十有八在車者也。云諸笑之

於國與王同，以其足以互明之者，此王國之市，若直

見王后世子過市，則不見諸侯已下，今以王國之市

而見諸侯已下過市，足得互見。

凡會同師役，市司帥

賈師而從，治其市政，掌其賣債之事。市司司市也。

償買也、會同師役、必有市者、大衆所往、來物以備之、
凡會至之事。釋曰、王與諸侯行會同、及師役征
伐之等、或在畿內、或在畿外、皆有市、則市司帥賈
師而從、以其知物賈、故使從、不帥胥師
者、胥師不知物賈於事、緩故不從也。

周禮註疏卷第十五

漢鄭氏註

唐賈公彥疏

質人掌成市之貨、賄人民、牛馬、兵器、珍異。成、平也會

者、平物賈而來、主成其平也。人民、奴婢也。珍異、四時

食物。質人至珍異。釋曰、此質人若今市平準、故

物。釋曰、云會者、平物價而來、主成其平也。者、會謂

市人會聚、買賣、止為平物、而成、賈人主為平定之、則

有常估、不得妄為貴賤也。此知人民、奴婢也。者、以其

在市、平定其賈、故知非良人、是奴婢也。云珍異、四時

食物者、見下塵人云、凡珍異之有滯者、斂而入、凡賣

于膳府、即果實及諸食物、依四時成熟者也。

來

也

周禮疏 卷之十五 凌古閣

質者質劑焉。大市以質。小市以劑。鄭司農云：質劑，月平賈也。質大賈，劑小賈。玄謂：質劑者，為之券藏之也。大市，人民馬牛之屬，用長券。小市，兵器珍異之物，用短券。○長 ○短 ○釋曰：先鄭以質劑，如字。為月平大小賈，若今市估文書。先鄭注小宰聽賣買以質劑，亦如此解。後鄭以為券書者，上文成市之貨賄之等，已足市平文書，則此經云大市以質，小市以劑，及小宰云聽賣買以質劑，文勢不得為月平。故以券書可知也。玄謂大市，人民馬牛已下，鄭以意分之為大小。就大者而言，若人民則掌稽未成亂已下，牛馬未著齒已前，亦得為小者也。 **掌稽市之書契，同其度量，壹其淳制，巡而攷之，犯禁者舉而罰之。** 稽猶考也。治也。書契，取于市物之券也。其

章

券之象，書兩札，刻其側。杜子春云：淳當為純。純謂幅廣制，謂匹長也。皆當中度量。玄謂：淳讀如淳尸。盥之淳。 ○其淳音准。廣光曠反。長直亮反。 稽猶至之中。丁仲反。淳尸。劉反。純反。下同。 淳。稽猶考也。治也。者并取治質劑并解之。故兼云治也。書契，取于市物之券者。并案小宰職云：聽取予以書契。經既云書契，故知與彼同。非上質劑之市買者也。云其券之象，書兩札刻其側者。小宰註云：兩書一札。同而別之。云刻其側者。今畫指也。杜子春云：淳當為純。純謂幅廣制。謂匹長也。者，即丈八尺。後鄭從之。後鄭不從。杜子春純者，純止可為絲為縹。不得為幅廣狹。故讀從士。虞禮淳尸，盥之淳。故內宰註：依巡守禮。淳四咫。鄭答志：咫八寸，四當為三三咫。謂二尺四寸也。 **凡治質劑者國中一旬，郊二旬，野三旬，都三月，邦國菴期內聽，期外不聽。** 周禮疏 卷之十五 凌古閣

謂齋券契者來訟也。以期內來則治之，後期則不治。所以絕民之好訟，且息文書也。郊，遠郊也。野，甸稍也。

都小都大都
○蕃如字，本或作。○釋曰：謂齋至大都。○

者來訟也者，云此經總上質劑與書契來訴者，知郊是遠郊者，以其內有國中，外云野。野遠郊之外，明知郊是遠郊也。知野是甸稍者，郊外曰野，是大總之言。下有都，都是四百五百里，明此是二百里甸、三百里稍可知。又知都中舍大都小都者，此質人總聽訟外，明此都兼大小二都可知。

廛人掌斂市絢布總布質布罰布廛布而入于泉府

布泉也。鄭司農云：絢布，列肆之稅布。杜子春云：總當為僂，謂無肆立持者之稅也。玄謂：總讀如租，穗之穗。

廛布，謂守斗斛銓衡者之稅也。質布者，質人之所罰。

犯質劑者之泉也。罰布者，犯市令者之泉也。廛布者，貨賄諸物邸舍之稅。
○絢音次，本或作次。總劉依杜音僂，鄭音總。僂音讒，穗音穗。

泉
泉府。故知泉布一也。是以前府云：掌布。註云：取其

水泉流通無不徧也。先鄭云：絢布，列肆之稅。布者，謂肆立持者之稅也。後鄭不從，為守斗斛銓衡者之稅也。此經廛人掌依行肆者，故不得為無肆立持。故破從租穗之穗，穗布是守斗斛銓衡之稅，下肆長云：斂其總布，是無肆立持，故註從于春。總當為僂也。遠券書罰泉也。云罰布者，犯市令者之泉也。者，謂司市有教令其人犯之，使出泉。云廛布者，貨賄諸物邸舍之稅者，謂在行肆官有邸舍人有置物于中使之

出稅故云

凡屠者斂其皮角筋骨入于玉府

以當

稅給作器物也其無皮角及筋骨不中用亦稅之

凡屠至玉府○釋曰云屠者謂屠殺豕羊之類其人

亦有地稅因其屠即取皮角筋骨甚飾器物者使入

玉府也○以當至稅之○釋曰知以當稅者謂若

山虞澤虞之等所出稅皆云以當邦賦邦賦即地稅

之類是也云無皮角及筋骨不中用亦稅之謂若羊

牛有皮角及筋骨其豕則無之類是不中用亦使出

邦賦之處凡珍異之有滯者斂而入于膳府

故書滯或作塵鄭司農云謂滯貨不售者官為居之貨

物沉滯於塵中不決民待其直以給喪疾而不可售

賈賤者也塵謂市中之地未有肆而可居以畜藏貨

物者也孟子曰市塵而不征決而不塵則天下之商

皆說而願藏於其市矣謂貨物儲藏於市中而不租

稅也故曰塵而不征其有貨物久滯於塵而不售者

官以法為居取之故曰法而不塵玄謂滯讀如沉滯

之滯珍異四時食物也不售而在塵久則將瘦臞腐

敗為買之入膳夫之府所以紓民事而官不失實

官○為于偽反下同畜勅六反說音悅諸知呂反本或作

貯又作褚皆同藏如字劉本作莽音同瘦本又作腴

所又反臞其俱反又作臞凡珍至膳府○釋曰云

音稍紓音舒劉常汝反凡珍異之有滯者謂四

時珍美異味買者遂少沈滯不售者也云斂而入于

膳府者謂官以泉府之財買取之入於膳夫之府以

均豐疏

卷之五 四 及古閣

周禮疏

供官食。○故書至失實。○釋曰：先鄭云：謂滯貨不售者，官為居之，經直為珍異，非貨物。先鄭以貨物解之，故後鄭不從也。先鄭又云：廛謂市中之地，未有肆而可居，以畜藏貨物者，但廛雖非肆，是官之邸舍，不得為空地，故後鄭不從。引孟子：市廛而不市者，周則廛有征。上文廛布是也。云不征者，非周法。又云：法而不廛，則與此經同。故先鄭引之，後鄭增成其義也。云久則將度，矝腐敗者，考工詭梓人云：大矝矝後，矝是細小之義，故云矝矝腐敗，是以為買之。

胥師各掌其次之政令，而平其貨賄，憲刑禁焉。○憲表

縣之。○縣音玄。胥師至禁焉。○釋曰：案序官云：胥師二憲刑禁焉者，刑謂市中之刑，憲狗扑禁謂市中之禁，謂市司當時設禁令，非士師五禁也。鄭云：憲謂長縣之，則經憲非為憲狗扑之憲。察其詐偽，飾行儔慝者，而誅罰之。○註

鄭司農云：儔賣也。慝惡也。謂行且賣姦偽惡物者。玄

謂飾行儔慝，謂使人行賣惡物於市，巧飾之，令欺誑買者。○行下孟反，慝他得反，巧若教。○鄭司至買反，又如字，令力呈反，下文同。○釋曰：鄭

云：儔賣也者，此經云飾行儔慝，明儔為賣，不得為買。上文每云賣儔，儔不得為賣，故為買，是鄭望文為義。故不定也。先鄭云：謂行且賣姦偽惡物，以且間之，則行是行步之行，不為行濫之行。故後鄭不從，以為行濫解。○聽其小治小訟而斷之。○治直吏反，下之。○聽

至斷之。○釋曰：上司市已云：胥師賈師滋於介次，而聽小治小訟，上總言之，此止當職故申敘之也。

賈師各掌其次之貨賄之治，辨其物而均平之，展其成

而奠其賈，然後令市。○辨別也。○賈音古，下註賈師同奠音定，別彼列反。

周禮疏

卷之十五 五

及古周

辨賈師至今市。○釋曰：案序官云：賈師二十肆，則一人與胥師數同。故云：各掌其次之貨賄之治也。云辨其物而均平之者，此與胥師所掌同。云：展其成而與其賈者，則與胥師異，以其知物價故也。**凡天**

患禁貴債者，使有恒賈。**恒**常也。謂若諸米穀棺木

而賸久雨疫病者，貴賣之。因天災害阨，民使之重困。

○重直**恒**常至重困。○釋曰：鄭云：謂若諸米穀用反。棺木者，以其天患無過凶荒札喪，故鄭知

富人豫者米穀，以擬凶荒，豫諸棺木，以擬死而賸久雨疫病賣之也。**四時之珍異亦如**

之。**薦**宗廟之物。○釋曰：案月令：四時有珍異之物。○**薦**宗廟之物。○釋曰：案月令：四時有珍異之物。皆云：先薦寢廟。故鄭以為薦宗廟舉重而言也。

凡國之賣債各帥其屬而嗣掌其月。**債**買也。故書

賣為買。鄭司農云：謂官有所斥令賣，賈師帥其屬而更相代直月為官賣之均勞逸。○更音庚為官于偽反。**勞**逸。○釋曰：先鄭云：謂官有所斥賣者，斥謂指斥出

故鄭註大宰亦云：幣餘謂占賣國之斥幣，義與此同也。云：賈師帥其屬而更相代者，賈師之下有羣賈亦二肆，則一人者使之更互相代也。**凡師役**

會同亦如之。**行**所任當直為官賣買也。○釋曰：此亦從

司聽掌憲市之禁令，禁其鬪蹻者，與其聽亂者，出入相

陵犯者，以屬遊飲食于市者。○蹻，謹也。鄭司農云：以

屬遊飲食羣飲食者。○蹻，五羔反。又許，蹻反。謹音歡。○蹻，謹至食

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

者禁之，若不羣遊則得飲。若不可禁，則搏而戮之。

○搏音博下同

司稽掌巡市而察其犯禁者與其不物者而搏之

物衣服視占不與眾同及所操物不如品式曹反

司不物至品式釋曰案大司徒民當同衣服今

稽有人衣服不與眾人同又視占亦不與眾人同及

掌所操物不如品式此皆違禁之物故搏之也

執狗辭掌執至刑之釋曰上司市市中之刑無

盜賊以狗且刑之亦無過小盜狗扑而已故云以狗

胥各掌其所治之政執鞭度而巡其前掌其坐作出入

之禁令襲其不正者作起也坐起禁令當市而不

得空守之屬故書襲為習杜子春云當為襲謂掩捕

其不正者胥各至正者釋曰案序官胥二肆則

掌二肆者也云執鞭度而巡其前者此鞭度亦如上

文守門者謂以皮為鞭而量物也作起至正者

襲是掩襲之義故從襲是以左氏公羊皆有不聲鐘

鼓為襲是掩其不備也凡有罪者撻戮而罰之罰之使出布

肆長各掌其肆之政令陳其貨賄各相近者相遠也實

相近者相爾也而平正之爾亦近也俱是物也使

惡者遠善善自相近鄭司農云謂若珠玉之屬俱名
為珠俱名為玉而賈或百萬或數萬恐農夫愚民見
欺故別異令相遠使賈人不得雜亂以欺人○近附

遠于萬反註同數色主肆長至正之○釋曰此肆

反令方呈反賈音古○長謂一肆立一長使之檢

扶一肆之事若今行頭者也○爾亦至欺人○釋

曰云俱是物也者即司農云俱名為珠俱名為玉之

類是也云使惡者遠善者釋經各相近者相遠也云

善自相近者釋經實相近者相爾也先鄭云謂若珠

玉之屬已下直釋經各相近者相遠不釋實相近者

其義可知故也先鄭雖舉珠玉貴者而餘物亦爾

斂其總布掌其戒禁杜子春云總當為儵○杜

為儵○釋曰此肆長各主一肆故謂其

無肆立持之布故後鄭引而從之也

泉府掌以市之征布斂市之不售貨之滯於民用者以

其賈買之物揭而書之以待不時而買者買者各從

其抵都鄙從其主國人郊人從其有司然後予之○註

故書滯為痺杜子春云痺當為滯鄭司農云物揭而

書之物物為楡書其賈揭著其物也不時買者謂

急求者也抵故賈也主者別治大夫也然後予之為

卦符信然後予之玄謂抵實抵字抵本也本謂所屬

吏主有司是也○楡音竭抵音帝又都禮反痺音且

又丁左反楡音賤又倉廉反著直略

反治直○泉府至予之○釋曰云掌以市之征布者

吏反○即上塵人斂布已下之布竝入泉府而藏

周禮疏 卷之五 八

從其有司

謂

之故總云征布也。云各從其抵者，抵謂本主所屬之吏，乃付之，即都鄙從其主國人，郊人是也。云都鄙者可兼大小都及家邑，云國人者，謂住在國城之內，即六鄉之民也。云郊人者，即遠郊之外，六遂之民也。○
 故書至是也。○釋曰：先鄭云：抵故賈也。後鄭不從者，假令官前賈時，貴後或賤，今依故賈與之，即損民故不得依故賈以解抵也。先鄭云：主者別治大夫也。者，義或然。以其公卿大夫常在王朝，其都鄙則遣人治之。若季氏費宰公山弗擾之輩，天子都鄙蓋亦然。先鄭云：為封符信，然後予之者，封符信謂有符信文書，皆封題之，計賈者得上，及有司，然後賣，不須封信文書，但於埋無害，故後鄭不破之也。後鄭破抵從抵者，經是抵欺之抵，故破從木傍抵，抵得為本義也。云本為所屬吏，主有司是者，鄭欲解抵與主有司為一云，主有司是也。凡賒者，祭祀無過旬日，喪紀無過三月。○
 司農云：賒，貫也。以祭祀喪紀，故從官貫買物。○
 司王鄭

買物。○釋曰：先鄭之意，以祭祀喪紀二者事大，故賒與民不取利。

凡民之貸者，與其

有司辨而授之，以國服為之息。

有司其所屬吏也。

與之別其貸民之物，定其賈以與之。鄭司農云：貸者，謂從官借本賈也。故有息，使民弗利，以其所賈之國所出為息也。假令其國出絲絮，則以絲絮償其國出絺葛，則以絺葛償。玄謂：以國服為之息，以其於國服事之稅為息也。於國事受園廛之田，而貸萬泉者，則其出息五百。王莽時，民貸以治產業者，但計贏所得受息，無過歲什一。○之貸音特，註不出者，同。列彼列反，貸民音吐，代反。本賈音嫁，一音。

周禮疏

卷之十五 九

及古同

古所賈音古令力凡民至之息。釋曰：貸者，即今呈反。償時亮反。
疏之舉物生利，與上文不同。云與其有司辨而授之者，謂別其所授之物，以與之。云以國服為之息者，所出之利，各以國服而為息也。
註有司至什一。○釋曰：云有司，其所屬吏也者，此則上文有司一也。若然，此經不言都鄙主者，有司中兼之。故上註亦云：本所屬吏是。本中兼二者，云與之別。其貸民之物者，但泉府中所藏之物，種類不同，欲授民之時，先當分別。又當定其賈數，以與之。先鄭以所賈之國所出為息，已下後鄭不從者，凡言服者，服事為名。此經以民之服事，唯出稅是也。則載師云：二十而一。已下是也。是以鄭引載師受園廛之田，而貸萬泉者，則其出息五百。萬泉出息五百，計當二十而取一。若然，近郊十一者，萬泉出息一千。遠郊二十而取三者，萬泉出息一千五百。甸稍縣都之民，萬泉出息二千。鄭直云：園廛者，略舉以言之也。云王莽時民貸以治產業者，但計贏所得受息，無過歲什一者。此則與周少異。周時不計其贏，所得多少，據本徵利。

興

王莽時雖計本多少為定，及其徵利，唯據所贏多少。假令萬泉歲還贏萬泉，徵一千贏五千，徵五百餘皆據利徵。○**凡國事之財用，取具焉。歲終則會其出入而什一也。**
疏會計也。納入也。入餘於職幣。○會古外反。後放此。
疏凡國至其餘。○釋曰：云凡國事之財用，取具焉者，言事謂有司為國家之事，與作用財物者，皆來向泉府取財為具焉。泉府財盡，乃於餘府別取焉。云歲終則會其出入，出謂出府會計用財，入謂於廛人斂取款布已下。云納其餘者，若國家來取財不盡，而有餘，則納與天官職幣，職幣別出與人。故云納其餘也。
司門掌授管鍵以啓閉國門。
註鄭司農云：鍵讀為蹇，管謂籥也。鍵謂杜。○鍵其展反。又其偃反。司門至。釋曰：云掌授管鍵以啓閉國門者，謂用管籥以啓門。用鍵杜以閉門，故雙言以啓閉國門。則王城十二門。
周禮疏 卷之十五 十 及空閣

者也。○鄭司至謂牡。○釋曰先鄭讀鍵為蹇者欲取其蹇澀之意云管謂籥也者卽月令註管籥搏鍵器是也云鍵謂牡者以入為牡容者為牝者若爾雅走曰牝牡也

其貨賄凡財物犯禁者舉之 **幾出入不物者正** 不物衣服視占不與

衆同及所操物不如品式者正讀為征征稅也犯禁

謂商所不資者舉之没入官 **音征** **不物至入**

知不物是衣服之等者見王制云鬪執禁以幾禁異

服識異言鬪人云潛服賊器不入官奇服怪民不入

官明此司門亦然故鄭以不物衣服之等解之但鄭

釋不物之中有三事一者衣服二者占視皆不與衆

同三者皆須訶問所以也云正讀為征征稅也者下文

云國凶札無鬪門之征明無凶札之時有征稅故讀

從征稅之字也云犯禁者謂商所不資者商所資者

謂若國語云冬資絺夏資紬之類是商所豫資待時

而賣者乃不為犯其商所不資謂非民常用之物則

舉之没入官也 **以其財養死政之老與其孤** **財所謂門關**

之委積也死政之老死國事者之父母也孤其子

財所至其子 ○釋曰云財所謂門關之委積也者

卽上遣人云門關之委積以養老孤云死政之老死

國事者之父母也孤其子者卽外 **祭祀之牛牲繫焉**

養云邦養者老孤子義與此同 **祭祀之牛牲繫焉**

監門養之 **監門門徒** ○繫音計本又作 **監門**

釋曰牧人六牲至祭前三月則使充人繫而養之若

天地宗廟則繫於牢芻之三月若其散祭祀之牲則

不在牢遣此監門 **凡歲時之門受其餘** **鄭司農**

云受祭門之餘 **凡歲至其餘** ○釋曰凡歲時之門

者歲之四時祭門非一故云凡以

周禮疏

卷之五

十一

及古閣

總之若月令秋祭門者是祭廟門此門亦謂國門十
 二者除四時祭外仍有為水祈禱故左傳莊公二十
 五年秋大水有凡四方之賓客造焉則以告造猶
 用牲于門之事至也告告於王而止客以俟逆○造七到凡四至
 釋曰謂四方諸侯來朝觀至關關人告王至郊郊人
 告王至國門門人告王王得告皆遣人往迎故先鄭
 云止客以俟逆也

司關掌國貨之節以聯門市

貨節謂商本所發司市

之壘節也自外來者則察其節而書其貨之多少通
 之國門國門通之司市自內出者司市為之壘節通
 之國門國門通之關門參相聯以檢猾商音滑

節至猾商○釋曰案下文掌節云貨賄用壘節則壘
 節主通貨賄若然壘節亦可先從王司市而出鄭今
 解經壘節先從邦國向內而言者以其司關在境而
 先云掌國貨之節後云以聯門市是從外向內之言
 故鄭亦順經先從邦國司市解之也云案其節而書
 其貨之多少通之國門國門通之司市者將送商人
 而執節者別有過所文書若下文節傳當載人年幾
 及物多少至關至門皆別寫一通入關家門家乃案
 勘而過其自內出者義亦然云參相連以檢猾商者
 司市與關及門三處相連恐竊猾商人或以多為少
 或隱而不出而避稅故相連以檢括之也其遠郊近
 郊雖不置官掌之亦應有人幾問但無稅法故不言
 耳

司貨賄之出入者掌其治禁與其征塵
征塵者

貨賄之稅與所止邸舍也關下亦有邸客舍其出布
 如市之塵治直○司貨至征塵○釋曰司主也主
 吏反貨賄出入謂上經以聯門市者

是也。云與其征塵者，征謂稅塵，謂邸舍二事。雙言也。
○征塵至之塵。釋曰：云關下亦有邸舍，其出
布如市之塵者，案上文：塵人有塵布。鄭云：塵邸舍，此
關亦有邸舍。商人於關停止，則有稅。故云：如市之塵
也。**凡貨不出於關者，舉其貨罰其人。****○**不出於關，謂

從私道出辟稅者，則沒其財，而撻其人。**○**辟音避，一
音芳益反。

○貨，撻其人者，解經罰其人。案上憲罰之等，皆是撻。
但舉其貨，已是罰物，故知**凡所達貨賄者，則以節傳**

出之。**○**商或取貨於民間，無璽節者，至關關為之璽
節及傳出之，其有璽節亦為之傳。傳如今移過所文

書。傳張戀反。**○**凡所至出之。釋曰：此文重釋上
註下皆同。

○國貨之節，上直云璽節，此經兼有

傳傳則過所文書。**○**商或至文書。釋曰：鄭云：商
或取貨於民間，無璽節者，至關關為之璽節者，若本
由王市而出，則司市為之璽節。商或於民間者，或在
郊內，關內民間買得物貨，不得向司市取璽節，故因
向關外，則便於關取節而出。若在城內，民間資貨
者，司關為璽節，以出之授節，節者即授傳與之。**國**

凶札則無關門之征，猶幾。**○**鄭司農云：凶，謂凶年饑
荒也。札，謂疾疫死亡也。越人謂死為札。春秋傳曰：札
瘥天昏，無關門之征者，出入關門無租稅，猶幾，謂無

租稅，猶苛察，不得令姦人出入。孟子曰：關幾而不征，
則天下之行旅皆說，而願出於其塗。**○**札，側入反。又

病也。苛，呼多反。又音**○**國凶至猶幾。釋曰：此司關
何令力呈反。說音悅。**○**所掌兼言門者，門關同類，無

同禮疏

卷之三

十三

改古閣

征是同司門既不言故於關并言門也。○鄭司至其塗。○釋曰上註札為疫病此司農以札為死則札因病而死義得兩兼是以引越人謂死為札也。云春秋傳者昭十九年左氏云鄭駟偃卒其父兄立子瑕子產曰寡君之二三臣札瘥天昏註云大死曰札小疫曰瘥短折曰夭未名曰昏又洪範云六極一曰凶短折註云未齒曰凶未冠曰短未昏曰折並無正文望經為說耳引春秋者證札為大疫也引孟子者案孟子云尊賢使能俊傑在位則天下之士皆說而願立於朝矣市廛而不征法而不廛則天下之商皆說而願出於其塗矣耕者助而不稅則天下之民皆說而願耕於其野矣廛無夫里之布則天下之民皆說而願為之民矣信能行此五者則鄰國之民仰之如父母矣率其子弟以攻其父母自有生民已來未有能濟者也如是則無敵於天下無敵於天下然而不王者未之有也此陳正法與周異引之者彼正法不征商旅則有說此經有故不征亦所以說民故取一邊

也。為證凡四方之賓客啟關則為之告。謂朝聘者也。

啟關猶謁關人也。鄭司農說以國語曰周之秩官有之曰敵國賓至關尹以告行理以節逆之。○啟音叩。于偽反。朝。凡四至之告。○釋曰啟猶至也。畿外直遙反。諸侯來朝使卿大夫來大聘小聘但至關門皆先謁關人關人止客則奔告王王使小行人逆勞於畿也。○謂朝至逆之。○釋曰案小行人云凡諸侯入王則逆勞於畿聘禮使者至謁關人此經亦總云賓客啟關則為之告是以鄭云謂朝聘者也。云叩關猶謁關人者猶聘禮關人也先鄭說以國語曰周之秩官有之者案國語定王使單襄公聘於宋遂假道於陳以聘楚侯不出疆司空不視塗單于歸告於王曰陳侯不有大咎國必亡矣又云周之秩官有之曰敵國賓至關尹以告行理以節逆之韋昭註云理吏也行理小行人掌國賓客禮以待四方使

有

禮記

卷之五

禮記

逆賓客候人為導卿出郊勞司里授館引之者國語云關尹以告則此經司關為之告一也云行理以節逆之者證關尹告王王使小行人以節逆之也

有外內之送令則以節傳出內之有送令謂奉貢獻及文書以常事往來環人之職所送迎通賓客來至關則為之節與傳以通之

節有外至內之釋曰此雙言之云有外之送令者則以節傳內之謂從諸侯之國畿外而入者則關人以節及傳內之至王又云有內之送令則以節傳出之者謂王命從王國而出則亦以節傳出之送

至畿上也釋曰案秋官環人職云掌送逆邦國之通賓客以路節達諸四方註云路節旌節也四方圻上與此義同故引以言之

掌節掌守邦節而辨其用以輔王命邦節考珍圭牙

璋穀圭琬圭琰圭也王有命則別其節之用以授使者輔王命者執以行為信

○別彼列反下和別同使所吏反下之使註使節使

者掌節至王命釋曰此一經論王國之節對下同文邦國是諸侯故此王國文單言邦也○節至為信釋曰云邦節者珍圭之等皆約典瑞言之案典瑞云珍圭以徵守以恤凶荒牙璋以起軍旅以治兵守穀圭以和難以聘女琬圭以治德以結好琰圭以易行以除慝是其邦節也不數自外璧羨以起度之等以其彼是王國所用非使者之節故不言之云王有命則別其節之用以授使者此釋經而辨其用故典瑞註亦皆云王使之瑞節也

守邦國者用玉節守都鄙者用角節謂諸侯於其國中公卿大夫王子弟於其采邑有命者亦自有節以輔之玉節之制如王為之以

周禮疏 卷之五十五 及古圖

命數為小大角用犀角其制未聞



謂諸至未聞

侯於其國中者釋經守邦國者用玉節云公卿大夫
王子弟於其采邑者釋經守都鄙者用角節畿內公
卿大夫亦是畿內之國但對畿外諸侯為尊故公卿
已下言都鄙也云有命者亦自有節以輔之者亦如
上文王有命有節以輔之者玉節之制如王為之以
命數為小大者以邦國與王同稱玉節故知邦國亦
有數等之節亦皆以玉為之以其諸侯國內亦有徵
守好難起軍旅之等故知與王同知以命數為小大
者以其命圭之等依命數故知亦以九以七以五為
節也其天子玉節自以大小為數故琬圭瑋圭俱同
九寸穀圭牙璋俱七寸唯有珍圭無文鄭云大小當
與琬瑋相依云角用犀角者案釋獸云犀似豕註云
角在鼻上犀角是角中之貴故知不得用玉者當用
犀角云其制未聞者以其邦國之玉節可以約王之
玉節都鄙之角節無可依約既無舊制故云其制未
聞此云都鄙用角節註謂公卿大夫王子弟於其采

邑是都鄙之主案小行人都鄙用管節註謂公之子
弟及卿大夫之采地之吏也故用管節與此不同彼
諸侯采地亦同用管節亦異外內也若天子
公卿大夫采邑之吏下註約入道路用旌節凡邦國
之使節山國用虎節土國用人節澤國用龍節皆金
也以英蕩輔之



使節使卿大夫聘於天子諸侯行

道所執之信也土平地也山多虎平地多人澤多龍
以金為節鑄象焉必自以其國所多者於以相別為
信明也今漢有銅虎符杜子春云蕩當為帑謂以函
器盛此節或曰英蕩畫函
○蕩如字又吐黨反帑吐黨反盛音成
節至畫函○釋曰云使節使卿大夫聘於天子諸侯
行道所執之信也者大聘使卿小聘使大夫或於天

子或於諸侯故竝言之也云土平地也者對山澤非平地也云山多虎者若晉國之類也云平地多人者若衛國之類也云澤多龍者若鄭國之類也云以金為節鑄象焉者釋經皆金也云必自以其國所多者於以相別為信明也者山澤與平地人虎龍皆雜有今言山國用虎澤國用龍土國用人皆據多者相別為信以自明也引漢有銅虎符者證周時節用銅之意也杜子春云湯當為帑者音以湯蕩反之今人猶言帑也帑則函故云謂以函器盛此節也云或曰英蕩畫函者其函猶是蕩但以英華有畫義故更云畫函也經云輔之者以函輔此節使不壞損也案昭二十九年公在鄆賜公衍羔裘使獻龍輔於齊侯註龍輔玉名所以輔節與此別也

門關用符節貨賄用璽節道路用旌節皆有期以反節

門關司門司關也貨賄者主通貨賄之官謂司市也道路者主治五涂之官謂鄉遂

大夫也凡民遠出至於邦國邦國之民若來入由門者司門為之節由關者司關為之節其商則司市為之節其以徵令及家徒則鄉遂大夫為之節唯時事而行不出關不用節也變司市言貨賄者璽節主以通貨賄貨賄非必由市或資於民家焉變鄉遂言道路者容公邑及小都大都之吏皆主治五涂亦有民也符節者如今官中諸官詔符也璽節者今之印章也旌節今使者所擁節是也將送者執此節以送行者皆以道里日時課如今郵行有程矣以防容姦擅

有所通也。凡節有法式，藏於掌節。○垂音尤，字從垂，作御誤。

關至掌節。○釋曰：鄭知門關是司門，司關者以其人授之出入，必由門由關，而授節者非門關之官，不可輒授。故知主守門及關者，故以司門司關解之也。云貨賄者，主通貨賄之官，謂主市也者，以其貨賄所得皆由於市，乃得通之於外，亦非官不可輒授。故知貨賄用璽節，必是王之司市也。云道路者，主治五溝五塗之官，謂鄉遂大夫也。謂以其授節，非官不可言。路即遂人徑畛塗道路之涂也。鄉之田制與遂同，故知旌節是鄉遂大夫所授也。云凡民遠出至於邦國，邦國之民若來入由門者，司門為之節，由關者司關為之節者，據此註，凡民出至邦國，若它在國城中，先由門司門授之節，若它由關內者，則由關司關授之節也。若邦國之民來入，則先由關司關授之節，若然，邦國之民入其節，直由關不由門，亦云由門者，因王國之民由由門，故總言之於義無妨也。云其商則司市為之節者，此王之掌節而言貨賄用璽節，明是王之司

市非邦國之司市，其實商徒從邦國來，即邦國司市為節。故上司關註云：貨節謂商本所發司市之璽節。自外來者，即案其節是邦國之璽節也。云其以徵令及家徒，則鄉遂大夫為之節者，知徵令有節者，見鄉大夫云：國有大故以旌節輔令，則達之。註云：民雖命行，其將之者無節不得通，是徵令有節之事。又知家徒有節者，見比長云：若徒於他，則為之旌節而行之。是家徒有節也。又云：唯時事而行不出關，不用節也。者，時事行若比長云：徒於郊，徒於國，當鄉徒及非徵令，皆不須節，兼言不出關者，關內當都當邑當行不出關，皆不須節也。云變司市言貨賄者，司市本出璽節授商，今不言市而變言貨賄，故鄭云：璽節主以通貨賄，貨賄非必由市，或資於民家，則由門者，司門與之節，由關者，司關授之節，故變言貨賄也。云變鄉遂言道路者，容公邑及小都大都之吏者，主治五塗亦有民也者，鄉遂公邑為溝洫法，三等采地為井田法，井田與溝洫雖俱為溝洫，稀稠有異，皆有五塗，以官主當其民出入，皆受旌節，故變鄉遂而言道路，以容

此等之官云之吏者以其都鄙之主在王朝唯吏在都鄙故以吏言之也云符節已下周法無文故皆約漢法况之案太史公本紀漢文帝二年九月初與郡國守相為銅虎符竹使符應劭曰銅虎符第一至第五國家當發兵遣使者至郡國合符符合乃聽受之竹使符者皆以竹箭五枚長五寸鐫刻篆書第一至第五張晏曰符以代古之圭璋從簡易也凡通達於鄭引之者欲明漢時銅虎符本出於此也

天下者必有節以傳輔之 必有節言遠行無有不

得節而出者也輔之以傳者節為信耳傳說所齋操

及所適 凡通至輔之釋曰此經總解上經門闕

有傳無節或節傳俱無 **無節者有幾則不達** 國土

則不得通達於天下也 無節者非直被幾又不通達前

內之 應有節傳今無節者非直被幾又不通達前

所也 國國土內之釋曰知國土內之者見比長云無節無授國土內之故也

遂人掌邦之野 郊外曰野此野為甸稍縣都 外至

縣都 釋曰遂在遠郊百里之外即遂人所掌之野在郊外曰野之中故鄭云郊外曰野鄭又知此野謂甸稍縣都者從二百里至五百里皆名野者此遂人

不言掌遂又見下文云以達于畿明遂人掌野通至畿疆也但遂人雖專掌二百里之中乃兼掌

三百里以外其有溝洫井田之法皆知之也 **以土地**

之圖經田野造縣鄙形體之灋五家為鄰五鄰為里

四里為鄩五鄩為鄙五鄙為縣五縣為遂皆有地域

溝樹之使各掌其政令刑禁以歲時稽其人民而授

之田野簡其兵器教之稼穡 經形體皆為制分界

也鄰里鄰鄙縣遂猶郊內比閭族黨州鄉也鄭司農云田野之居其比伍之名與國中異制故五家為鄰

玄謂異其名者示相變耳遂之軍法追胥起徒役如

六鄉

制同。鄭作管反後同分扶問反又如字下分

野田野謂田在百里之外野中所經界者即造都鄙

目五家以下有六等略言二者耳云皆有地域溝樹

之者從五家已下據地境界四邊營域為溝溝上而

樹之也云使各掌其政令刑禁者五家則鄰長施政

令五鄰則里宰施政令已上皆施之云以歲時稽其

人民者稽計也人民猶言夫家夫家男女也以歲之

四時計其所管男女多少而損益之云授之田野者

若下文一廛田百畷云簡其兵器者若族師旗鼓兵

章云教之稼穡者亦若計耦耕事。註經形至六鄉

鄙云造形體之法明是為田野云經緯為縣鄙云形

體二者同實而異名明俱為分界處所也云鄰里鄙

鄙縣遂猶郊內比閭族黨州鄉以家數相對是同故

云猶郊內也先鄭云田野之居其比伍之名與國中

異制者田野之居釋經中言五皆是也名與國中異

田百畷也言比五則經中言五皆是也名與國中異

制亦異以其六遂之內上地有萊五十畷并下劑致

昨竝異也玄謂異其名者示相變耳者此後鄭直增

成先鄭家數雖同其名異之意云遂之軍法追胥起

徒役如六鄉者案小司徒云乃會萬民之卒伍而用

之五人為伍五伍為兩四兩為卒五卒為旅五旅為

師五師為軍以起軍旅以作田役以此追胥以令貢

賦註云鄉之田制與遂同但彼鄉中唯見出軍無田

制此遂人唯見田制無出軍法故鄭彼註云鄉之制

與遂同此遂之軍法追胥起役如彼六鄉互見其義

仍有少異以其六鄉上劑致民六遂下劑致民六凡鄉上地無萊六遂土地有萊有萊是其稍異也
 治野以下劑致民以田里安民以樂昏擾民以土宜教民稼穡以興勸利民以時器勸民以疆予任民以土均平政

注 變民言民異外內也。民雖受上田中田下田及會之以下劑也。致猶會也。民雖受上田中田下田及會之以下劑為率。謂可任者家二人。樂昏勸其昏姻。如媒氏會男女也。擾順也。時器。鑄作耒耜錢鎛之屬。疆予。謂民有餘力復予之田。若餘夫然。政讀為征。土均。掌均平其稅。鄭大夫讀勸為藉。杜子春讀勸為助。謂起民人令

相佐助。○昨亡耕反。勸音助。李又音鉏。疆其良反。情外反。下一字同。率音律。又音蒙。李武水反。猶會古音翦。劉音踐。鎛音博。復扶又反。

注 凡治至平政。○致昨者對六鄉之中。其家一人為正卒。已下皆為羨卒。此六遂之中。家一人為正卒。第二者為羨卒。自外竝為餘夫。家取二人為下劑。致昨也。云以田里安民者。田則為百畷之田。里則五畷之宅。民得業則安。故云安昨也。以樂昏擾民者。男女人所樂。故云樂昏。飲食男女人之大欲存焉。故配以昏姻。即順民意也。以土宜教民稼穡者。高田種黍稷。下田種稻麥。是教之稼穡。云以興勸利民者。勸助也。興起其民。以相佐助。是與民為利。故云利昨也。

注 變民至佐助。○釋曰。此案大司徒小司徒主六鄉皆云民不言昨。此變民言昨者。直是異外內而已。無義例。以其民者。冥也。昨者。情愔皆是無知之貌也。云雖受上田中田下田者。即此下文夫一廛以下是也。云以下劑為率。謂可任者家二人者。則其外為餘夫是也。云耒耜錢鎛之屬。

者詩云痔乃錢鍾仍有茲基之等故云之屬鄭大夫
讀耨為藉藉借也謂借民力所治之田民相於無此
事故後鄭謂相辨其野之土上地中地下地以頒田
里上地夫一塵田百畷萊五十畷餘夫亦如之中地
夫一塵田百畷萊百畷餘夫亦如之下地夫一塵田
百畷萊二百畷餘夫亦如之釋萊謂休不耕者鄭司
農云戶計一夫一婦而賦之田其一戶有數口者餘
夫亦受此田也塵居也揚子雲有田一塵謂百畷之
居也玄謂塵城邑之居孟子所云五畷之宅樹之以
桑麻者也六遂之民奇受一塵雖上地猶有萊皆所

以饒遠也王莽時城郭中宅不樹者為不毛出三夫
之布○令力呈反畷音畷萊音辨其至如之○釋
來數色主反奇居宜反曰此據在六遂之
中為野故以野言之并上地中地下地以頒其田里
此皆與已下為總目也此直言上中下地亦當如小
司徒云上地家七人中地家六人下地家五人也○
註萊謂至之布○釋曰案詩云田卒污萊註高者萊
下者污是萊謂休不耕者也先鄭引揚子雲有田一
塵謂百畷之居也後鄭不從以為塵與孟子五畷之
宅同者此經上中下地皆云夫一塵田百畷百畷與
一塵別言之則此塵與塵人皆謂塵綿於其中則此
乃是塵里任國中之一地也不得同為百畷之田詩
所云三百塵今者自是三百家之稅故亦塵表稅也
云六遂之民奇受一塵者釋經餘夫亦如之則餘夫
皆有田有塵是餘夫奇別更受塵備後離居之法故
奇受一塵也云雖上地猶有萊者對六鄉不言餘夫
之塵上地又無萊故云皆所饒遠也引王莽時事者

凡治野夫間有遂遂上有徑十夫有溝溝
 上有畛百夫有洫洫上有涂千夫有澮澮上有道萬
 夫有川川上有路以達于畿田十夫二隣之田百夫
 一鄰之田千夫二鄙之田萬夫四縣之田遂溝洫澮
 皆所以通水于川也遂廣深各二尺溝倍之洫倍溝
 溝廣二尋深二仞徑畛涂道路皆所以通車徒於國
 都也徑容牛馬畛容大車涂容乘車一軌道容二軌
 路容三軌都之野涂與環涂同可也萬夫者方三十
 三里少半里九而方一同以南畝圖之則遂從溝橫

洫從澮橫九澮而川周其外焉去山陵林麓川澤溝
 瀆城郭宮室涂巷三分之制其餘如此以至於畿則
 中雖有都鄙遂人盡主其地○畛之忍反劉音真洫
證反從子容反下同凡治至于畿○釋曰遂人所
去起呂反盡津忍反田掌即六遂之中為溝洫之法
遂地在郊外田野之中故云凡治野去夫間有遂已
下五溝所以通水入川五涂所以通道向都及國城
也○田十夫至其地○釋曰十夫二鄰之田已下
以遂之中有鄰里鄭鄙縣遂故十夫以下還以鄰鄭
鄙縣地當之鄭知遂廣深各二尺溝倍之洫倍溝澮
廣二尋深二仞者此雖溝洫法與井田異制其遂溝
洫澮廣深亦與井田溝澮廣深同故鄭還約匠八井
田之法而言也鄭知徑容牛馬之等義如此者此從
川上有路差之凡道皆有三塗川上之路則容三軌
道容二軌塗容一軌軌皆廣八尺其畛差小可容大

車一軌軌廣八尺自然徑不容車軌而容牛馬及人之步徑是以春秋有牽牛蹊蹊即徑也云都之野涂與環涂同可也者案匠人云環涂以為諸侯徑涂野涂以為都徑涂鄭註云徑亦謂城中道諸侯環涂五軌其野涂及都環涂皆三軌彼註亦與此註同皆以為都之野涂與環涂同依內則云道有三涂男子由右女子由左車從中央是以鄭解川上之路及都之野涂皆容三軌也云萬夫者方三十三里少半里者此解經萬夫有川之意從西北隅北畔至東頭有十洫一洫百夫十洫千夫十萬夫萬步有三十三里百步百步是少半里以九澮總而言之則萬夫矣故言萬夫者三十三里少半里矣九而方一兩者案匠人云廣尺深尺謂之陂以至方百里為同同間廣二尋深二仞彼井田法溝澮稀少而云同此雖溝洫法溝澮稠多與彼井田相準擬而言也云以南畷圖之遂從溝橫洫從澮橫九澮而川周其外焉者案詩有今適南畝又云南東其畝故以南畷圖之其田南北細分者是一行隔為一夫十夫則於首為橫溝十

溝即百夫於東畔為南北之洫十洫則於南畔為橫澮九澮則於西畔為大川此川亦人造雖無丈尺之數蓋亦倍澮也此川與匠人澮水所注川者異彼百里之間一川謂大川也云去山林之等其餘如此者鄭註載師亦以此等三分去一皆大判而言之耳是以田之法一成凡百夫亦三分去一以其餘通計出稅故每云三百家也云以至于畿則中雖有都鄙遂人盡主其地者遂人主六遂與司徒主六鄉同唯在二百里以內今經云以達於畿明畿以內之中雖有都鄙作井田之法遂人亦盡主其地明不可細主井田尚主公邑之中為溝洫之法與鄉遂人盡主之可知也

寡及其六畜車輦辨其老幼癆疾與其施舍者以頒

職作事以令貢賦以令師田以起政役

定也夫家猶言男女也施讀為弛職謂民九職也分

彼

其農牧衡虞之職使民為其事也載師職云以物地
 事授地職互言矣貢九貢也賦九賦也政役出土徒
 役○施式氏反下施舍以歲至政役○釋曰云以
 皆同政音征註同歲時以主其夫家已下亦
 如族師所云以歲之四時成定男女之等○石成
 至徒役○釋曰云施讀為弛者以其文承老幼痿疾
 之下下又別云以起政役明此不得為施政役破施
 為弛謂弛捨其政役也云職謂以力職也者以其頒
 職而作事是民之九職使之作事而遣出九貢也云
 分其農牧衡虞之職者農即主農牧即數牧衡虞即
 虞衡作山澤之材不言商賈嬪婦臣妾之等者略之
 也云載師職云以物地事授地職互言矣者彼云物
 地事不云貢此去令貢賦不云物地事地事貢賦當
 相互皆有也云貢九貢也者即九職之九貢非諸侯
 之九貢也賦者即亦大宰九賦一曰邦中之賦二曰
 四郊之賦之等是也云政役出土徒役者即上註遂

之軍法如六鄉者是也若起野役則令各帥其所治之民而至
 以遂之大旗致之其不用命者誅之役謂師田若

有功作也遂之大旗熊虎若起至誅之○釋曰此
 起徒役毋過家一人之類也云則令各帥其所治之
 民而至者謂令縣正已下縣正云若將出野民師田
 行役移執事則帥而至治其政令是縣正受遂人之
 令也云以遂之大旗致之者以其遂人雖是大夫合
 用鳥隼之旗致眾今遂人掌眾與大司徒同故致眾
 得用熊虎為旗也國役謂至熊虎○釋曰知役謂
 師田若功作也者以其縣正所用野民師田行役
 移執事為此事致之明此役與彼同其云功作則移
 執事之等是也云大凡國祭祀共野牲令野職國共
 旗熊虎者司常職文凡國祭祀共野牲令野職國共
 野牲入於牧人以待事也野職薪炭之屬國共野
 至之屬國共野

○釋曰云共野牲入於牧人以待事也者謂牛羊豕
者六逐者故曰野牲牧人云掌牧六牲以待祭祀故
知此野牲牧人云掌牧六牲以待祭祀故知此野牲
亦入牧人以待事也云野職薪炭之屬者此官令之
委人斂之故下委人云掌斂野之賦又云斂薪芻
疏材木材凡畜聚之物言之屬者兼此諸物也

賓客令脩野道而委積

委積於廬宿市

凡賓至

釋曰案大司徒云令脩野道委積彼謂總令遺人此
於百里外野道又令之故註云委積於廬宿市是亦
令遺人也**大喪帥六逐之役而致之掌其政令及葬帥而**

屬六綽及窆陳役

致役致於司徒給墓上事及窆

也綽舉棺索也葬舉棺者謂載與說時也周綽旁六
執之者天子其千人與陳役者主陳列之耳庶師帥

監之鄉師以斧涖焉大喪之正棺殯啓朝及引六鄉

役之載及窆六逐役之亦即遠相終始也鄭司農云

窆謂下棺時遂人主陳役也禮記謂之封春秋謂之

崩皆葬下棺也聲相以

註相應與說始銳反人與音餘朝直

遙反之封彼驗反或如字崩補鄧反

知致役致於司徒給墓上事及窆也者以其殯及引

皆六鄉役之其墓上事及窆等六逐役之故知致役

給墓上墓上則說載下棺之等窆謂穿擴之等不言

在廟載事亦六逐役之不言者略也必致於司徒者
司徒雖主六鄉以其地官之卿掌徒庶之役亦兼掌
六遂之役故也

據在道則曰引六遂之役不在道故據在棺而言綽
也云葬舉棺者謂載與說時也者以其經云屬六綽

不據在道故知在廟載時及在壙說時也云用綽旁
六執之者天子其千人與者案雜記諸侯執綽五百
人大夫三百人以此約之天子千人無正文故云與
以疑之云陳役者主陳列之耳者以其經云及窆窆
謂下棺下棺之時千人執綽背碑負引須陳列其人
故知謂陳列之也云匠師帥監之鄉師以斧涖焉者
案其鄉師職知之云大喪之正棺殯啓朝及引六鄉
役之載及窆六遂役之知義然者案大司徒職云大
喪帥六鄉之衆庶屬其六引此遂人云帥六遂之役
屬六綽及窆陳役鄭據此云文言之以六鄉近使主
殯及啓朝為始在祖廟之中將行載棺於履車屬六
綽則六遂為終也至於在道言引則還使六鄉為始
至壙窆之下棺則還使六遂為終以二處合自共為
終始故云即遠相終始也是以大司徒註云六鄉主
六引六遂主六綽也云禮記謂之封者據檀弓云庶
人縣棺而封及喪大記下棺亦云封是也春秋謂之
塋者左氏葬鄭簡公有司墓之室當道毀之斷朝而
塋是也窆塋封三者字雖不同皆是下棺也云聲相

似者窆封塋皆以去聲 凡事致野役而師田作野民
言之故云聲相似也 凡事致野役而師田作野民
帥而至掌其政治禁令 治直吏反 凡事至禁令
職未總結 下治訟皆同 釋曰此居
之言也

遂師各掌其遂之政令戒禁以時登其夫家之衆寡六
畜車輦辨其施舍與其可任者經牧其田野辨其可
食者周知其數而任之以徵財征作役事則聽其治
訟 施讀亦弛也經牧制田界與井也可食謂今年
所當耕者也財征賦稅之事 遂師至治訟 釋曰
所掌六遂亦如鄉師主六鄉亦二人共主三遂故云
各掌其遂之政令戒禁并以時登其夫家衆寡六畜
均豐流 卷之十五 二十七 役古聞

已下皆如鄉師之職，但鄉師云輦，又云老幼貴賤廢疾，此不言之。此云經牧其田野之等，彼不言之，皆是互換為義。故設文不同也。云周知其數而任之，以徵財征者，謂周徧知其夫家六畜及田野之等，任之據人民之數徵財征，據田野之數也。云作役事則聽其治訟者，役事中可兼軍役田獵功作之等，皆聽其治訟。○**註**施讀至之事。○釋曰：云施讀亦弛也者，此註與鄉師同，以其與其可任者對而言，明施不得為施功之事，故讀為弛。與舍同為捨放之事。云經牧制田界與井也者，但六遂制溝洫法，上文所云者，是令以為制界與井也。又為井田法者，以其遂人兼掌采地，故上云掌野鄙兼言稍縣都，以采地有井田法，故此經云經牧其田野與小司徒文同，故鄭亦兼言井也。云可食謂今年所當耕者也者，六遂以外，上地亦有菜中下之地，自然皆有菜不耕者，故云今年所當耕者也。云財征賦稅之事也，雖以地稅為財征，賦稅是地稅，故云正其中亦兼有口率出泉也。○**巡其稼穡而移用其**

民以救其時事

註移用其民，使轉相助，救時急事也。

四時耕耨斂艾芟地之宜，晚早不同，而有天期地澤

風雨之急。○**釋**奴豆。○**巡**其至時事。○**釋**曰：遂師各

地有宜，早種早收，有宜晚種晚收，故云晚早不同者，其

而有天期地澤，風雨之急者，山出雲雨，大風有隧，皆

由天期而有，故以天期而言，此竝須移用其民救其

時事，故并**凡國祭祀，審其誓戒，共其野牲**。○**審**亦聽

也。○**註**凡國至野牲。○**釋**曰：案冢宰職云：大祭祀，掌百

審其戒，戒遂之。○**入野職野賦于王府**。○**釋**曰：民所入貨賄，

以當九職九賦中玉府之用者。○**註**民所至用者。○

是

比

禮記

卷之五

禮記

九職之貢野賦謂民九賦自邦甸家稍縣都之等口率出泉以其在遠郊之外故皆以野言之也云中玉府之用者亦自遂師自當徵其穀稅泉以入大府分之衆府也若然案大府職云式貢之餘財以共玩好之用入於玉府彼入玉府者是民貢之餘財財之美者由大府乃入玉府此經入玉府者非財之美不堪王之玩

好者也**賓客則巡其道脩庀其委積**巡其道脩行

治道路也故書庀爲此鄭司農云比讀爲庀庀具也○庀文作庀匹爾反其也劉副

美反一音芳米反脩行下孟反**賓客至委積**釋司徒云野脩道委積據國外曰野

在六鄉之中者此據六遂之中者**大喪使帥其屬以**

幄帟先道野役及窆抱磨共丘籠及蜃車之役使以幄帟先者大宰也其餘司徒也幄帟先所以爲葬

樽

才

窆之間先張神坐也道野役帥以至墓也丘籠之役

窆復土也其器曰籠蜃車柩路也柩路載柳四輪迫

地而行有似於蜃因取名焉行至壙乃說更復載以

龍輻蜃禮記或作樽或作輗役謂執紼者鄭司農云

抱磨磨下車也玄謂磨者適歷執紼者名也遂人主

陳之而遂師以名行按之磨劉音歷籠力董反蜃

臥反復音服或音福乃說如鏡反或吐活反更復扶

又反輻勅倫反樽市專反李徒官反輗市專反適音

的又音澤其屬以幄帟先者謂大宰官使其屬以幄帟

先行至壙云道野役者謂司徒導引野中之役出國城至壙云及窆抱磨者及至也謂柩車至壙窆下棺

卷之五 二十九

禮記

也下棺之時遂師帥其執紼者之人名歷適而投數
 之也云共丘籠者土曰丘謂共為丘之籠器以盛土
 也云及蜃車之役者謂祖廟中將行共蜃車以載柩
 之役人也。○**圖**使以至投之。○釋曰知使以幄帟先
 是大宰者以其天官幕人掌共帷幕幄帟綬屬大宰
 故知使幕人以幄帟先是大宰也云其餘司徒也者
 以其司徒主衆庶故知野役之徒皆司徒令之也云
 幄帟先所以為葬寔之間先張神坐也者謂柩至壙
 脫載除飾柩則在地未葬寔之間須有凶靈神坐之
 所故知大幕之下宜有幄之小帳小帳之內而有帟
 之承塵以為神坐也云道野役帥以至墓也者以其
 云導導是帥引之言故知從廟帥引往至墓所也云
 丘籠之役窶復土也者窶謂穿地復土謂下棺之後
 以壙上土反復而為丘壟皆須籠器以盛土也云蜃
 車柩路也者人君所居皆曰路故云柩路也云柩路
 載柳四輪迫地而行者謂在祖廟中遂匠納車於階
 間卻而上載之乃加帷荒帷荒即柳也四輪迫地而
 行即輪車以二軸而貫四輪四輪即許氏說文云無

輻曰輪者也云似於蜃因取名焉者此解名為蜃車
 之意行至壙乃說更復載以龍輻者以其天子諸
 侯殯時用輻車即檀弓所云最塗龍輻天子之禮是
 也諸侯不龍其輻而殯既用輻明葬時用輻可知
 云蜃禮記或作搏或作輻彼經作輻一節禮記作輻或
 注云輻讀為輻或作輻彼經作輻雖異其義同故此云
 作搏彼經不為輻者但輻輻字雖異其義同故此云
 或作輻也但為輻者非車之體不從之取其輻字或
 有作輻字團又轉誤為國字者故既夕記云遂匠納
 車於階間註云車載柩車周禮謂之蜃車雜記謂之
 團車喪大記又謂之國車也先鄭云抱磨磨下車也
 者於義無所當故後鄭不從也後鄭云適歷執紼者
 名也者謂天子千人分布於六紼之上謂之適歷者
 分布稀疏得所名為適歷也云遂人主陳之者案上
 遂人云及窆陳役是也云而遂師以各行校之者但
 執紼之人背碑負引而退行遂師抱持版之名字巡
 行而校錄之以知**軍旅田獵平野民掌其禁令比敘**
 在否故云抱磨也

其事而賞罰

平謂正其行列部伍也鄭司農云此

讀為庀

比敘匹爾反出註行列戶剛反

軍旅至賞罰

釋曰軍旅謂征伐田獵謂四時

也云平野民者謂遂師平正六遂之民故云平野民

行賞罰也遂師校比次敘其行伍而

引之在

遂大夫各掌其遂之政令以歲時稽其夫家之衆寡六

畜田野辨其可任者與其可施舍者以教稼穡以稽

功事掌其政令戒禁聽其治訟

施讀亦為弛功事

九職之事民所以為功業

遂大至治訟

釋曰此一經與遂師職意同但

互見其義耳施讀至功業釋曰云功事九職

之事民所以為功業者大宰以九職任萬民彼云任

即此功事謂任令為邑者歲終則會政致事不言

其遂之吏而言為邑者容公邑及卿大夫王子弟之

采邑政令戒禁遂大夫亦施焉不言至施焉

言遂之吏則不容公邑與采邑今遂大夫不言遂之

史變云為邑則遂中可以兼公邑采邑二者故云政

令戒禁遂大夫亦施焉以其遂人云掌正歲簡稼器

野又云以達于畿故知亦施政令戒禁

脩稼政簡猶閱也稼器耒耜鎡基之屬稼政孟春

之月令所云皆脩封疆審端徑術善相丘陵阪險原

濕土地所宜五穀所殖以教道民必躬親之

遂相息

及古

司農

卷之二十五 三十一

亮反道釋曰云稼器耒耜基音導之屬者其器中含有錢鏹之等故云之屬

也云稼政孟春之月令所云皆脩封疆者此是月令

鄭註彼封疆謂田首之分界也云審端徑術者鄭彼

註術當為遂引遂人職云夫間有遂遂上有徑當審

之使脩理也云善相丘陵阪險原隰者土之高者曰

丘大阜曰陵坡者曰阪險下溼者曰隰高平曰原也

云土地所宜者即丘陵已下若高田種黍稷下田種

稻麥丘陵阪險種黍稷是也云以教道民必躬親之

者彼約束與田大夫必身親檢校之以證稼政之事

者

與毗舉民賢者能者如六鄉之為也與猶舉也

屬猶聚也又因舉吏治有功者而聚勅其餘以職事

○比毗志反下徵比及註同釋曰三歲至治者

三歲大比則帥其吏而興眡明其有功者屬其地治

鄉大夫三歲大比與賢者能者其義同變之耳云帥
其吏者則遂大夫已下縣正至鄰長○興眡至職
事○釋曰云興毗舉民賢者能者如六鄉之為也者
此文不具故鄭就鄉大夫解之彼以鄉飲酒與賢能
者厥明獻賢能之書於王王拜而受之登於天府內
史貳之此職亦然也云興猶舉也屬猶聚也者謂當
興舉之時因舉治民之吏鄰長以上吏之有功者而
升之又聚其地治鄰長以上勅之以職事使之不慢

凡為邑者以四達戒其功事而誅賞廢興之

達者治民之事大通者有四夫家眾寡也六畜車輦

也稼穡耕耨也旗鼓兵革也凡為至興之釋曰此言為邑者義如上

不言遂之吏而言為邑者容公邑及采邑也云以四

達戒其功事者達通也謂將四通之事以戒勅其功

事功事即上註九職之功業也云而誅賞廢興之者

此亦如天官註大有功不徒興又賞之大無功不徒

廢又誅之故誅賞廢與連言之也。釋曰：鄭知四達是夫家已下者，此無正文，唯約上下文而知義爾。案遂師云：夫家衆家六畜車輦，此遂大夫亦云：夫家衆寡，以教稼穡。鄭長云：以旗鼓兵革帥而至，又云：趨其耕耨。鄭據而言，故以四事當此四達。

縣正各掌其縣之政令，徵比以頒田里，以分職事，掌其

治訟，趨其稼事，而賞罰之。徵，徵召也。比，案比。趨，

李倉苟反本。縣正至罰之。釋曰：以一遂有五縣，又作趣音促。故云各掌其縣之政令，徵比者，謂政

教號令，徵發投比之等也。云以頒田里者，亦如上文夫一廛田百畷也。云以分職事者，即九職之功事也。

若將用野民，師田行役，移執事，則帥而至，治其政令。

移執事，移用其民。鄭司農云：謂轉相佐助。若將至政。

令。釋曰：云若將用野民者，言將事未至之時，預徵召野民也。言師田，謂出師征伐及田獵也。言行役，謂若巡狩及功役，言移執事，謂移徙用民以執事也。既役，則稽功會事而誅賞。既役至誅賞。釋曰：此經結上文功役之事，事訖乃稽考其功多少，當計會其事之可否，而有功者賞，無功者誅也。

鄙師各掌其鄙之政令，祭祀。祭祀，祭禁也。音詠。鄙，

至祭祀。釋曰：五鄙為縣，五百家為鄙，故云各掌其鄙之政令也。祭祀，祭禁也。釋曰：知鄙祭禁者，

鄙與六鄉黨同黨，祭禁故。凡作民，則掌其戒令。作

民，謂起役也。起役者，案下鄭長云：若其民而用

之，則以旗鼓兵革帥而至，又上文每以時數其衆庶，云野役，故知此作民，亦是起役事也。

而察其媿惡而誅賞

註時四時也

數色主反

註時

四時也。釋曰。知時四時者。見鄉師職云。凡四時之徵令。則凡言歲時者。皆是四時。唯鄉師云。賜萬民之難。阨而云。歲時巡國。友野者。鄭註云。隨其事之時。不必四時。難阨非常故也。

鄙之政而致事

鄴長各掌其鄴之政令。以時校登其夫家。比其眾寡。以

治其喪紀祭祀之事

註校猶數也

註鄴長至之事

五鄴。故去各掌其鄴之政令也。云以治其喪紀者。謂民之喪紀。若鄉師所云。族共喪器之類。治其祭祀者。謂若族祭。酬之類。若然。縣當祭社。與州同。縣正鄙師。鄴長皆不言所祭神者。云遂與六鄉互見其義也。

若作其民而用之。則以旗鼓兵革帥而至。若歲時簡

器與有司數之

註簡器。簡稼器也。兵器亦存焉。有司

遂大夫

註若作至數之。釋曰。言作其民而用之者。謂師田及巡守之等。直言以旗鼓兵革不

言車輦。文不具。簡器至大夫。釋曰。云簡器簡稼器也者。見遂大夫職云。正歲簡稼器。脩稼政。則此官與遂大夫共簡之。故註云。有司遂大夫也。知兵器亦存焉者。以遂大夫云。簡稼器。此不言稼。直云器。故知器中兼有兵器。旗鼓兵革。亦有在其中也。

耕耨稽其女功

註聽之受而行之者。女功。絲枲之事

註凡歲至女功。釋曰。此鄴長彌親民。故趨其耕耨。并稽考女功之事。

知聽之為受而行之。非聽斷之者。以鄴長中士官。惟承受遂人已下之事。不得專聽斷。故知聽謂受聽而行之也。知女功。絲枲者。案禮記內則論女功云。執麻枲。治絲繭。故知此女功亦治絲枲。以為布帛。

里宰掌比其邑之衆寡與其六畜兵器治其政令

邑猶里也。里宰至政令。釋曰：里宰二十五家不言

可知。邑猶里也。釋曰：邑是人之所居之處，里又訓為居，故云邑猶里也。

以歲時合耦于耨以治稼穡，趨其耕，行其秩，敘以待有司之政

令而徵斂其財賦。考工記曰：耜廣五寸，二耜為耦。

此言兩人相助耦而耕也。鄭司農云：耨讀為藉，杜子

春云：耨讀為助，謂相佐助也。玄謂：耨者里宰治處也。

若今街彈之室，於此合耦使相佐助，因放而為各季

冬之月令，命農師計耦耕事，脩耒耜，具田器，是其歲

時與合人耦，則牛耦亦可知也。秩敘受耦相佐助之

次第。治處直吏反，街音圭，彈。以歲至財賦。釋

如字，一音與，放沈方往反。曰：云歲時者，亦謂

歲之四時，云合耦于耨者，耨助也。謂合兩兩相佐助

於里宰處，云以治稼穡者，謂治理其民，使為春稼秋

穡之事，云趨其耕耨者，謂使民趨時以春耕夏耨，云

行其秩敘者，謂使民行其合耦，使有次第，云以待有

司之政令而徵斂其財賦者，以六遂之賦稅，縣師徵

之旅師斂之，則此財賦言待有司徵斂者，謂縣師旅

師也。考工至次第。釋曰：鄭引考工記者，欲證

合耦為二人，共發一尺之地，乃成畎，以通水之意也。

先鄭云：耨讀為藉者，藉借也，非相佐助之義，故後鄭

不從之也。杜子春讀耨為助，謂相佐助也。於義合，但

文今不足，故後鄭從其義也。玄謂耨者里宰治處也，

若今街彈之室者，鄭以漢法况之。漢時在街置室，檢

歲時與言與以疑之也。云合人耦則牛耦亦可知也。者周時未有牛耦耕。至漢時搜粟都尉趙過始教民牛耕。今鄭云合牛耦可知者。或周未兼有牛耦。至漢趙過乃絕人耦。專用牛耦。故鄭兼云焉。云秩敘受耦相佐助之次第者。或家有一夫二夫共耦。若長沮桀溺耦而耕。或先後次第相佐助為之也。

鄰長掌相糾相受

相糾相舉察

凡邑中之政相贊

為之各領五家使五家有過各相糾察。宅舍有故又相容受也。**凡邑中之政相贊**。謂一邑之內有上政令徵求則五

長短使相補助。謂一邑之內有上政令徵求則五

鄰共相贊助。此即以長補短。徙于他邑則從而授之。

故鄭云長短使相補助也。徙于至授之。釋曰古者

不偁其居則徙于他。遷向他遂非直徙授之。明無罪過亦當以旌節將行如六鄉比長云徙於他則以旌

節而行之出鄉無節則唯園土內之是也

皇朝通志卷之八十八
禮部
禮部
禮部

